

醫

學

心

悟

自序

古人有言病臥于床委之庸醫比於不
慈不孝是以爲人父子者不可以不知
醫雖然醫豈易知乎哉知其淺而不知
其深猶未知也知其偏而不知其全猶
未知也以卑鄙管窺之見而自稱神良

其差悞殆有甚焉予少多病每遇疾則
纏綿難愈因爾酷嗜醫學潛心玩索者
有年而四方求治者日益繁四方從遊
者日益衆然此衷常慄慄危懼凡書理
有未貫徹者則晝夜追思恍然有悟卽
援筆而識之歷今三十載殊覺此道精

微思貴專一不容淺嘗者問津學貴沉
潛不容浮躁者涉獵蓋以上奉君親中
及僚友下逮卑幼性命攸關其操術不
可不工其處心不可不慈其讀書明理
不至於豁然大悟不止爰作是書以教
吾徒而名之曰醫學心悟蓋警之也然

心悟者上達之機言傳者下學之要二
三子讀是書而更加博覽羣言沉思力
索以造詣於精微之域則心如明鏡筆
發春花於以拯救蒼生而藥無虛發方
必有功仰體

天帝好生之心修證

菩提普救之念俾閭閻昌熾比戶安和永
杜夭札之傷咸登仁壽之域豈非業醫
者所深快乎況爲父者知此可以言慈
爲子者知此可以言孝以之保身而裕
如以之利人而各足存之心則爲仁術
見之事則爲慈祥尤吾道中所當景慕

也二三子識之予日望之

皆

雍正十年孟春月吉旦天都普明子程

國彭鍾齡自序

醫學心悟目錄

首卷

序文

凡例

醫中百悞歌

保生四要

治陰虛無上妙方

人參葉

醫有徹始徹終之理

內傷外感致病十九字

火字解

脈法金針

寒熱虛實表裏陰陽辨

醫門八法

論汗法

論和法

論下法

論消法

論吐法

論清法

論溫法

論補法

傷寒綱領

傷寒主治四字論

經腑論

陰症有三說

論疫

六氣相雜須辨論

論中風

中風寒熱辨

中風不語辨

中風類中辨症法

雜症主治四字論

入門辨症訣

第二卷

傷寒類傷寒辨

傷寒六經見症法

太陽經症

陽明經症

少陽經症

太陰經症

少陰經症

厥陰經症

太陽腑病

陽明腑病

裏中之裏論

合病併病

直中三陰諸症

雨感

傷寒兼症

第三卷

中風

類中風

傷暑

霍亂 攪腸沙

疫癘

虛勞

咳嗽

喘

吐血

頭痛

心痛

胸痛

脇痛

胃脘痛

腹痛

小腹痛

身痛

肩背臂膊痛

腰痛

痺鶴膝風

痿

脚氣

癰風

噎膈

痢疾

泄瀉

瘧疾

論水腫鼓脹

水腫

鼓脹

積聚

疝氣

痰飲

嘔吐噦
呃逆

三消

熱淋

小便不通
閉結 轉脬

大便秘通

腸交 脫肛

遺尿

小便不禁

便血

尿血

第四卷

遺尿

赤白濁

黃疸

不能食

不得臥

自汗盜汗

癲狂痢

驚悸恐

眩暈

健忘

嘈雜

咽喉
舌唇
口齒

目

面

癰瘰

鼻

耳

痔瘡

內癰

諸蟲

蠱毒

五絕

第五卷

婦人門

月經不調

室女經閉成損

暴崩下血

帶下

求嗣

轉女爲男法

診婦人有孕法

驗胎法

食忌

藥忌

惡阻

胎動不安

胎漏

子懸
子眩

胎不長

半產

子煩

子癰

子鳴

子瘖

孕婦內癰

鬼胎 夢與鬼交

熱病損胎

娠妊小便不通 轉胞 胞損

胎水腫滿

乳自出

臨產將護法

十產論

產後不語

胞衣不下

產後顛狂

產後血暈

交骨不開產門不開

產後發熱

產後將護法

心神驚悸

汗多變瘰

產後身痛

產後腰痛

惡露不絕

產後心腹諸痛

蓐勞

喘促

鼻黑鼻衄

產後乳疾

乳癰乳岩

乳卸

婦人隱疾

醫學心悟目錄終

醫學心悟

卷之二

五

[illegible]

一醫道自靈素難經而下首推仲景以其爲製方之祖也然仲景論傷寒而溫熱溫疫之旨有未暢河間論溫熱溫疫症而於內傷有未備東垣詳論內傷發補中枳朮等論卓識千古而於陰虛之內傷尚有缺焉朱丹溪從而廣之發陽常有餘陰常不足之論以補前賢所未及而醫道亦大全矣夫復何言不知四子之書合之則見其全分之卽見其偏茲集兼總四家而會通其微意以各其用則庶幾乎其不偏耳

一虛火實火之別相隔霄壤虛火可補實火可瀉若悞治之禍加反掌茲以內出者爲子火外至者爲賊火分別虛實以定補瀉似千古晦義一旦昭然而於對症用藥之間有畫沙印

泥之趣。

一病不外寒熱虛實。表裏陰陽。茲特著爲辨論。約之則在乎指掌。推之可應無窮之變。學者宜究心焉。

一醫門論治。本有八法。而方書或言五法。或言六法。時醫更執偏見。各用一二法。自以爲是。遂至治不如法。輕病轉重。重病轉危。而終則至於無法。大可傷也。予故著爲醫門八法。反覆詳論。俾業醫者。沉酣於八法之中。將以扶危定傾。庶幾其有活法矣。

一傷寒門古稱三百九十七法。一百十有三方。尚不能盡其變。遂謂仲景論傷寒非全書。而予獨以四字論括之。何其簡也。

不思傷寒只此表裏寒熱四字。山四字而數爲八句。傷寒實無餘蘊。夫傷寒有表寒。有裏寒。有表熱。有裏熱。有表裏皆寒。有表裏皆熱。有表裏皆寒。有表裏皆熱。精乎此。非惟三百九十七法。一百一十三方。可坐而得。卽千變萬化。亦皆範圍於其中。予讀仲景書十數年。頗有心得。因著傷寒四字論。以爲後學津梁云。

一傷寒有經病。有腑病。有合病。併病。有直中症。有兩感症。有傷寒兼症。茲集分析清楚。綱舉目張。辨論詳明。毫無蒙混。治傷寒者。取則乎此。可漸登仲景之堂。而入其室矣。

一。中風寒熱之別。實因乎人之臟腑。以爲轉移。從此勘破。則清

涼溫熱之劑各當其可。而古今之疑團以釋。

一風寒暑濕燥火。天之六氣也。六氣相雜。互相爲病。最宜細辨。若概指爲傷寒。投以散劑。爲害實甚。不可不慎於其初。一雜症各有內傷外感之不同。須從此分別。則治法不至混淆。而取效神速。

一女人之病多於男子。因其有行經胎產等事也。且性情多鬱。尤易生病。故治法另有變通。茲特詳著於後。其與男子同病者不載。特載其不同者而已。非缺也。

一病名用。一分別症候用。一扼要處用。一眉目分析處用。一旬讀用。俱不輕下。

醫學心悟卷之一

天都普明子程國彭鍾齡著

醫中百悞歌

醫中之悞有百端。謾說肘後盡金丹。先將醫悞從頭數。指點分明見一班。醫家悞辨症難。三因分症似三山。內因外因不內三山別出千條脈。病有根源仔細看。治病必求其本。須醫家悞脈不真浮沉遲數。不分清却到分清渾。又變極脈瀉細寒。胸中了了指難明。扁鵲云持脈之道如臨深淵而醫家悞失時宜。望浮雲胸中了了指下難明寒熱溫涼要相時。時中消息團團轉。惟在沉潛觀化機。寒暑相之常寒暑不齊者。時之變務在靜觀。醫家悞不明經十二經中而自得之。正非五運六氣所能拘也。

好問因經中不辨循環理。管教陽症入三陰。六淫之邪善治三陽則無傳陰之患

醫家誤藥不中攻補寒溫不對症。實實虛虛誤匪輕。舉手須知

嚴且慎。用藥相反厥禍最大醫家誤伐無過。伐無過謂攻伐無病處也藥有專司切莫

錯引經報使本殊途。投劑差訛事輒覆。藥味雖不相反而誤用非其經猶為未合如苓

連知柏同一苦寒姜桂椒黃同醫家誤藥不稱重病反輕輕反

重輕重不均皆誤人。此道微乎危亦甚。藥雖對症而輕重之間與病不相稱猶難驟效

醫家誤藥過劑療寒未已熱又至。療熱未已寒更生。勤君舉筆

須留意。藥雖與病相稱而用之過當則貴三折肱也醫家誤失標本緩急得

宜方是穩先病為本後為標。緘悉幾微要中肯。病症錯亂當分標本相其緩急

而施治法醫家誤舍正路治病不識求其屬。壯水益火究根源。太僕

之言須誦讀。

王太僕云：熱之不熱，是無火也；寒之不寒，是無水也。無水者，壯水之主，以鎮陽光；無火者，益火之源，以消陰翳。此醫家悞昧陰陽極處，沒抓拿亢則害，承乃

謂其屬也。

醫家悞昧陰陽極處，沒抓拿亢則害，承乃

制靈蘭秘旨最神良。

亢則害其物承乃制其理此

醫家悞昧寒

熱顯然寒熱易分別。寒中有熱，熱中寒，須得長沙真秘訣。

長沙

寒因熱用熱，因寒用或先寒後熱，或先熱後寒，或寒熱並舉，精妙入神。良法具在，熟讀精思，自然心得。然時移世易，讀仲景書

而變通用藥，尤為得當。

醫家悞昧虛實顯然，虛實何難治？虛

中有實，實中虛，用藥東垣有次第。

脾胃論內外傷辨補中枳朮等方，開萬世無窮之利。

家悞藥姑息症，屬外邪須克治。痞滿燥實病堅牢，茶果湯丸何

所濟？醫家悞藥輕試攻，病不知顧元氣。病若祛時元氣傷，似此

何勞君算計？

輕劑悞事峻劑

醫家悞不知幾脈動症變只幾希。

病在未形先着力。明察秋毫乃得之。病至思治未也。見微知著。弥患於未萌。是為上工。

醫家誤。鮮定見。見理真時莫改變。恍似乘舟破浪濤。把舵良工

却不眩。病輕藥應易也。定見定守。歷險阻而不移。起人於垂危之際。足徵學識。醫家誤。強識病。病

不識時。莫強認。謙躬退讓。遜賢能。務俾他人全性命。不知為不

也。醫家誤。在刀針。針有時宜。并淺深。膿熟不針。則內潰未熟。早

深則傷好肉。膿深針淺則毒不出。而內敗。百毒總應先艾灸。隔蒜灸法。勝於刀針。外

痛灸不頭面之上用神燈。宗云。內服蟾除丸。一服外將神燈照

三枚。此法不止施于醫家誤。薄愚蒙。先王矜恤。是孤窮。病篤必

施真救濟。好生之念合蒼穹。當盡心力。施良藥以濟之。醫家誤。不克已。見人

開口便不喜。豈知芻蕘有一能。何況同人說道理。醫家誤。未已。

病者誤方與與君還細數。請君爲我聽。病家誤早失計。初時抱恙不介意。人日虛。今病日增。縱有良工也。費氣。病須早治。病家誤不直說。諱疾試醫。工與拙。所傷所作。只君知。縱有名家。猜不出。蘇大云。我有疾。必盡告醫者。然後診脈。雖中醫亦病家誤。性躁急。病可治療。我但求愈疾耳。豈以困醫爲事哉。病家誤。性躁急。病有回機。藥須吃。藥既相宜。病自除。朝夕更醫。也不必。既效不病。可屢更。病家誤。不相勢。病勢沉沉。急變計。若再蹉跎。時日深。恐怕回春無妙劑。不效則當速更。病家誤。在服藥。服藥之中。有煎炒或冷或熱。要分明。食後食前。皆有道。病家誤。最善。怒氣逆。沖胸。仍不悟。豈知肝木尅脾。元願君養性。湏回護。病家誤。苦憂思。憂思抑鬱。欲何之。常將不如已者比。知得雄來。且守雌。病家誤。好多言。多言傷氣。

最難痊勸君默口存神。坐好將真氣養真元。病家悞染風寒。風寒散去又復還。譬如城廓未完固。那堪盜賊更摧殘。病家悞不戒口。口腹傷人處處有。食飲相宜中氣和。鼓腹含哺天地久。病家悞不戒悞。闔房衽席不知命。命有顛危可若何。願將好色人為鏡。病家悞救絕氣。病人昏眩時以手閉口而救之也。救氣閉口莫閉鼻。若連鼻子一齊捫。譬如入井復下石。鼻主呼吸閉緊則呼吸絕。此人多蹈此弊。故切言之。兩者相悞悞未歇。又恐旁人悞重疊。還須屈指與君陳。好把旁人觀一切。傍人悞代驚惶。不知理路亂忙忙。用藥之時偏作主。平時可是學岐黃。旁人悞引邪路。妄把師巫當仙佛。有病之家易著魔。到底昏迷永不悟。更有大悞藥中端。與君細說好畱神。藥中

誤藥不真。藥材真。繳力方深。有名無實。何能效。徒使醫家枉用。
心。郡邑大鎮易於覓藥。若荒僻處須加細辨。藥中誤。失炮製。炮製不工。非善劑。市中
之藥。未蒸炒。勸君審度。纔堪試。洗炙蒸煮去心皮壳。油火一皆不可少。藥中悞。醜
人參。或用粗枝枯小參。蒸過取湯。兼灌錫方中。用下却無功。以參
原枝乾結為美。蒸過取湯則參無寶色。錫條可當人參否。藥中悞。秤不均。賤藥多。分貴藥輕。
君臣佐使交相失。價事出來最惱人。仍有藥中悞。好向水中尋。
勸君煎藥務得人。煎藥悞。水不潔。汕湯入藥。必嘔噦。曰入嘔噦
之時。病轉增。仁是名醫。審不決。煎藥誤。水頻添。藥爐沸起。水加
些。氣輕力減。何計效。枉怪醫家主見偏。此係醫中百種悞。說與
君家記得熟。記得熟時病易瘳。與君共享大春秋。

保生四要

一曰節飲食

人身之貴。父母遺體。飲食非宜。疾病蜂起。外邪乘此。纏綿靡已。浸淫經絡。凝塞腠理。變症百端。不可勝紀。惟有縱酒。厥禍尤烈。酒毒上攻。虛炎灼肺。變爲陰虛。祗緣酷醉。虛羸之體。全賴脾胃。莫嗜膏粱。滄食爲最。口腹無訛。真真可貴。

二曰慎風寒

人身之中。曰榮與衛。寒則傷榮。風則傷衛。百病之長。以風爲最。七十二候。傷寒傳變。賊風偏枯。至邪偏痺。寒邪相乘。經絡難明。初在三陽次。及三陰。更有中寒。肢冷無冰。急施溫補。乃可迴春。

君子持躬戰戰兢兢。方其汗浴。切莫當風。四時俱謹。尤慎正冬。非徒衣厚。惟在藏精。

三曰惜精神

人之有生。惟精與神。精神不散。則體長春。差疲昧者。不愛其身。多言損氣。喜事勞心。或因名利。朝夕熱中。神出於舍。舍則已空。兩腎之中。名曰命門。陰陽相抱。互爲其根。根本無虧。可以長生。午未兩月。金水俱傷。隔房獨宿。體質輕強。亥子丑月。陽氣潛藏。君子固密。以養微陽。金石熱藥。切不可嘗。積精全神。壽考彌長。

四曰戒嗔怒

東方木位。其名曰肝。肝氣未平。虛火發焉。諸風內動。火性上炎。

無恙無嗔。涵養心田。心田寧靜。天君泰然。善動肝氣。多至嘔血。血積於中。漸次發咳。凡人舉事務期有得。偶爾失意。省躬自克。戒爾嗔怒。變化氣質。和氣迎人。其儀不貳。

治陰虛無上妙方

天一生水。命曰真陰。真陰虧。則不能制火。以致心火上炎。而剋肺金。於是發熱咳嗽吐痰諸症生焉。蓋發熱者。陽鑠陰也。咳嗽者。火刑金也。吐痰者。腎水虛泛而爲痰。如鍋中之水。熱甚則騰沸也。當此時勢。豈徒區區草木之功。所能濟哉。必須取華池之水。頻頻吞嚥。以靜治於無形。然從以湯丸佐之。庶幾水升火降。而成天地交泰之象耳。主方在吞津液。華池之水。人身之金液。

也敷布五臟洒陳六腑然後注之於腎而爲精腎中陰虧則真水上泛而爲痰將並華池之水一擁俱出痰愈多而肌愈瘦病誠可畏今立一法二六時中常以舌抵上腭令華池之水充滿口中乃正體舒氣以意目力送至丹田口復一口數十乃止此所謂以真水補真陰同氣相求必然之理也每見今之治虛者端主六味地黃等藥以爲滋陰降水之法未爲不善而獨不於本原之水取其點滴以自相灌溉是舍真求假不得爲保生十全之計此予之所諄諄而爲是言也衛生君子尚明聽之哉

人參果

昔者純陽呂祖師出賣人參果。一文一枚。專治五勞七傷諸虛。

百損并能禦外邪。消飲食。輕身不老。却病延年。真神丹妙藥也。市人聞之。環聚爭買者千餘人。祖師大喝曰。此果人人皆有。但汝等不肯服食耳。衆方悟醒。今之患虛者衆矣。或歸怨貧乏而無力服參。或歸怨醫家不早爲用參。或歸怨醫家不應早用參。或歸怨用參之太多。或歸怨用參之太少。或歸怨用參而不用。桂附以爲佐。或歸怨用參而不用。芪朮以爲援。或歸怨用參而不用。二地二冬以爲制。議論風生。全不反躬自省。以致屢效屢復。難收全功。不佞身肩是任。寧敢造次。轉稽古訓。百法追尋。每見歷代良醫治法。不過若此。於是睜開目力。取來參果一車。普送虛人服食。凡病危而復安者。不論有參無參。皆其肯服參果。

者也。凡病愈而復發者，不論有參無參，皆其不服參果者也。世人請自思維，定知此中消息。惟願患者各懷其實，必然服藥有功。往世永年無負我祖師垂救之意，是懇是禱。

以上數篇發明醫中之悞，細詳調攝之方，蓋弭患於未萌，治未病之意也。後此皆言治法。

醫有徹始徹終之理

或問曰：醫道至繁，何以得其要理而執簡以馭繁也？余曰：病不在人身之外，而在人身之中。子試靜坐內觀，從頭面推想，自胸至足，從足根推想，自背至頭，從皮肉推想，內至筋骨藏府，則全書之目錄在其中矣。凡病之來，不過內傷外感，與不內外傷三

者而已。內傷者，氣病、血病、傷食，以及喜怒憂思悲恐驚是也。外感者，風寒暑濕燥火是也。不內外傷者，跌打損傷、五絕之類是也。病有三因，不外此矣。至於變症百端，不過寒熱虛實表裏陰陽八字盡之，則變而不變矣。論治法，不過七方與十劑。七方者，大小緩急奇偶複十劑者，宜通補瀉輕重滑瀉燥濕也。精乎此，則投治得宜矣。又外感之邪，自外而入，宜宣不宜補。內傷之邪，自內而出，宜補不宜瀉。然而瀉之中有補，補之中有瀉，此皆治法之權衡也。又有似症如火似水，水似火，金似木，木似金，虛似實，實似虛，不可以不辨明乎？此則病無遁情矣。學者讀書之餘，閉目凝神，時刻將此數語細加領會，自應一旦豁然融會貫通。

徹始徹終了無疑義以之司命奚愧焉

內傷外感致病十九字

人身之病不離乎內傷外感而內傷外感中只一十九字盡之矣如風寒暑燥濕火外感也喜怒憂思悲恐驚與夫陰虛陽虛傷食內傷也總計之共一十九字而千變萬化之病於以出焉然病即變化而總不離乎一十九字一十九字總之一內傷外感而已所謂知其要者一言而終不知其要流散無窮此道中必須提綱挈領然後拯救有方也

火字解

從來火字內經有壯火少火之名後人則曰君火天火人火相

火龍火雷火種種不一。而失丹溪復以虛實二字括之。可謂善言火矣。乃人人宗其說。而於治火卒無定見何也。是殆辨之猶未確與。予因易數字以解之。夫實火者六淫之邪。飲食之傷。自外而入。勢猶賊也。虛火者七情色慾勞役耗神。自內而發。勢猶子也。賊至則驅之。如消散清涼攻伐等藥。皆可按法取用。蓋刀鎗劍戟原爲驅賊設也。子逆則安之。如補氣滋水理脾等藥。皆可按法施治。蓋飲食器用原爲養子設也。夫子者奉身之本也。若以驅賊者驅其子。則無以爲養身生命之本矣。人固不可認賊作子。更不可認子作賊。病機一十九條。言火者十之八。言寒者十之二。若不明辨精切。恐後學卒至模糊。余故反復詳言。以

立施治之法。

外火風寒暑濕燥火。及傷熱飲食。賊火也。賊可驅而不可留。

內火七情色慾勞役耗神。子火也。子可養而不可害。

驅賊火有四法。

一曰發風寒擁閉火邪內鬱。宜升發之。如升陽散火湯之類是也。

二曰清內熱極盛。宜用寒涼。如黃連解毒湯之類是也。

三曰攻火氣鬱結。大便不通。法當攻下。此釜底抽薪之法。如

承氣湯之類是也。

四曰制熱氣拂鬱清之不去。攻之不可。此本來之水有虧。不

能制火。所謂寒之不寒。是無水也。當滋其腎。如地黃湯之類。可用也。

養子火有四法

一曰達肝經氣結。五鬱相因。當順其性而升之。所謂木鬱則達之。如逍遙散之類是也。此以一方治木鬱而諸鬱皆解也。

二曰滋虛火上炎。必滋其水。所謂壯水之主。以鎮陽光。如六味湯之類是也。

三曰溫勞役神疲。元氣受傷。陰火乘其土位。經曰勞者溫之。又曰甘溫能除大熱。如補中益氣之類是也。

四曰引腎氣虛寒。逼其無根失守之火。浮遊於上。當以辛熱

雜於壯水藥中導之下行。所謂引龍入海引火歸原如入味湯之類是也。

以上治火法中。賊則宜攻。子則宜養。固已然。有邪正盛虛之時。而用攻補兼行之法。或滋水補火之法。往往取效。是知養子之法。可借驅賊之方。斷無以驅賊之法。而爲養子之理也。蓋養正則邪自除。理之所有。伐正而能保身。理之所無也。世人妄用溫補以養賊者。固多。而恣行侵伐以驅子者。更復不少。此皆不得火字真詮。而貽禍斯民也。可不慎與。

脉法金針

脈有要訣。胃神根三字而已。人與天地相參。脈必應乎四時。而

四時之中均以胃氣爲本。如春弦夏洪。秋毛冬石。而其中必兼有和緩悠揚之意。乃爲胃氣。謂之平人。若弦多胃少曰肝病。洪多胃少曰心病。毛多胃少曰肺病。石多胃少曰腎病。如但見弦洪毛石。而胃氣全無者。則危矣。夫天有四時。而弦洪毛石四脈應之。四時之中土旺各十八日。而緩脈應之。其成五脈。五藏分主之。如肝應春。其脈弦。心應夏。其脈洪。肺應秋。其脈毛。冬應腎。其脈石。脾土應長夏。其脈緩也。然而心肝脾肺腎雖各主一脈。而和緩之象必寓乎其中。乃爲平脈。否則卽爲病脈。若但見弦洪毛石。而胃氣全無者。卽爲眞象脈見矣。凡診脈之要有胃氣。曰生。胃氣少曰病。胃氣盡曰不治。乃一定之診法。自古良工莫

能易也。夫胃氣全虧則大可危。胃氣稍乖猶爲可治。卽當於中候求其神氣。中候者浮中沉之中也。如六數七極熱也。中候有力則有神矣。三遲二敗寒也。中候有力則有神矣。脈中有神則清之而熱卽退。溫之而寒卽除。若寒熱偏勝中候不復有神。清溫之劑將何所恃耶。雖然神氣不足猶當察其根氣。根氣者沉候應指是也。三部九候以沉分爲根。而兩尺又爲根中之根也。脈訣云寸關雖無尺猶未絕。如此之流何憂殞滅。歷試之洵非虛語。夫人之有脈如樹之有根。枝葉雖枯根蒂未壞則生意不息。是以診脈之法必求其根以爲斷。而總其要領實不出胃神根三者而已。如或胃神根三者稍有差忒則病脈斯見其偏於

陽則浮。芤滑實洪數。長大緊革牢動疾。促以應之。其偏於陰。則沉遲虛細微濇短小弦濡伏弱結代散以應之。惟有緩脈。一息四至。號曰平和。不得斷爲病脈耳。其他二十九字。皆爲病脈。必細察其形象。而知其所主病。其曰浮不沉也。主病在表。沉不浮也。主病在裏。遲一息三至也。爲寒。數一息五至也。爲熱。滑往來流利也。爲痰。爲飲。濇往來濇滯也。爲血少。氣凝。虛不實也。爲勞倦。實不虛也。爲邪實。洪大而有力量也。爲積熱。大虛而無力也。爲體弱。微細而隱也。小細而顯也。爲氣少。弦端直之象也。爲水飲。長過平本位也。爲氣旺。短不及本位也。爲氣少。緊如引繩。轉索也。爲寒。爲痛。弱微細之甚也。爲氣血兩虧。濡沉而細也。爲真火。

不足動如荳粒動搖之象也。爲氣血不續。伏脈不出也。爲寒氣凝結。又或因痛極而致。促數時一止也。爲熱盛。結緩時一止也。爲寒盛。芤邊有中無也。爲失血代動而中止。有至數也。亦有氣血不續。又爲跌打悶亂。以及有娠數月之兆。革浮而堅急也。爲精血少。牢沉而堅硬也。爲胃氣不足。疾數之甚也。爲熱極散渙而不聚也。爲衛氣散漫。惟有緩者和之至也。爲無病。其所主病大畧如此。如或數脈相參而互見。則合而斷之。以知其病。至於脈有真假。有隱伏。有反關。有怪脈。均宜一一推求。不可混淆。何謂真假。如熱症脈澀細。寒症反鼓指之類。何謂隱伏。如中寒腹痛。脈不出。又外感風寒。將有正汗。亦不出脈。書云。一手無脈曰

單伏兩手無脈曰双伏。何謂反關。正取無脈。反在關骨之上。或見於左。或見於右。診法不造。次何謂怪脈。兩手之脈。竟如出竅。人或乍大乍小。遲數不等。此爲祟症。又有老少之脈不同。地上方宜不同。人之長短肥瘦不同。診法隨時而斟酌。然而脈症相應者常也。脈症不相應者變也。知其常而通其變。診家之要。庶不相遠矣。然總其要領。總不出胃神根三字。三字無虧。則爲平人。若一字乖違。則病見矣。若一字全失。則危殆矣。必須胃神根三者俱得。乃爲指下禎祥之兆。此乃診家之大法。偶爲筆之於書。以備參考。

寒熱虛實表裏陰陽辨

病有總要寒熱虛實表重陰陽八字而已。病情既不外此，則辨症之法亦不出此一病之寒熱。全在口渴與不渴。渴而消水與不消水。飲食喜熱與喜冷。煩躁與厥逆。溺之長短赤白。便之澀結。脈之遲數以分之。假如口渴而能消水，喜冷飲食，煩躁溺短，赤便結脈數，此熱也。假如口不渴，或假渴而不能消水，喜飲熱湯，手足厥冷，溺清長，便澀脈遲，此寒也。一病之虛實全在有汗與無汗。腹胸脹痛與否。脹之減與不減。痛之拒按與喜按。病之新久稟之厚薄。脈之虛實以分之。假如病中無汗，腹脹不減，痛而拒按，病新得。人稟厚，脈實有力，此實也。假如病中多汗，腹脹時減，復如故，痛而喜按，按之則痛止，病久稟弱，脈虛無力，此虛

也。一病之表裏全在發熱與潮熱惡寒與惡熱頭痛與腹痛鼻
塞與口燥舌胎之有無脈之浮沉以分之。假如發熱惡寒頭痛
鼻塞舌上無胎脈息浮此表也。假如潮熱惡熱腹痛口燥舌胎
黃黑脈息沉此裏也。至於病之陰陽統上六字而言。所包者廣
熱者爲陽實者爲陽在表者爲陽寒者爲陰虛者爲陰在裏者
爲陰寒邪客表陽中之陰熱邪入裏陰中之陽寒邪入裏陰中
之陰熱邪達表陽中之陽而眞陰眞陽之別則又不同假如脈
數無力虛火時炎口燥唇焦內熱便結氣逆上衝此眞陰不足
也。假如脈大無力四肢倦怠唇淡口和肌冷便溏飲食不化此
眞陽不足也。寒熱虛實表裏陰陽之別總不外此。然病中有熱

症而喜熱飲者。同氣相求也。有寒症而喜冷飲。却不能飲者。假渴之象也。有熱症而大便溏瀉者。挾熱下利也。有寒症而大便反硬者。名曰陰結也。有熱症而手足厥冷者。所謂熱深厥亦深。熱微厥亦微是也。有寒症而反煩躁。欲坐臥泥水之中者。名曰陰躁也。有汗而爲實症者。熱邪傳裏也。有無汗而爲虛症者。津液不足也。有惡寒而爲裏症者。直中於寒也。有惡熱口渴而爲表症者。溫熱之病。自裏達表也。此乃陰陽變化之理。爲治病之權衡。尤辨之不可不早辨也。

醫門八法

論病之源。以內傷外感四字括之。論病之情。以寒熱虛實與表

裏陰陽八字統之。而論治病之方。則又以汗吐下和消清溫補八法盡之。蓋一法之中八法備焉。八法之中百法備焉。病變雖多而法歸於一。此予數十年來心領神會。歷試而不謬者。盡見於八篇中矣。學者誠熟讀而精思之。於以救濟蒼生。亦未必無小補云。

論汗法

汗者散也。經云邪在皮毛者。汗而發之是也。又云體若燔炭。汗出而散是也。然有當汗不汗。誤人者。有不當汗而汗。誤人者。有當汗不可汗。而妄汗之。誤人者。有當汗不可汗。而又不可以不汗。汗之不得其道。以誤人者。有當汗而汗之。不中其經。不辨其

藥知發而不知斂以悞人者。是不可以不審也。何則。風寒初客於人也。頭痛發熱而惡寒。鼻塞聲重而體痛。此皮毛受病。法當汗之。若失時不汗。或汗不如法。以致腠理閉塞。營衛不通。病邪深入。流傳經絡者。有之。此當汗不汗之故也。亦有頭痛發熱。與傷寒同。而其人倦怠無力。鼻不塞。聲不重。脈來虛弱。此內傷元氣不足之症。又有勞心好色。真陰虧損。內熱肺熱。脈細數而無力者。又有傷食病。胸膈滿悶。吞酸噯腐。日晡潮熱。氣口脈緊者。又有寒痰厥逆。濕淫肺氣。內癰外癰。瘀血凝結。以及風溫濕溫。中暑自汗諸症。皆有寒熱與外感風寒似同而實異。若誤汗之。變症百出矣。所謂不當汗而汗者。此也。若夫症在外感。應汗之。

例。而其人臍之左右上下。或有動氣。則不可以汗。經云。動氣在右。不可發汗。汗則衄而渴。心煩。飲水即吐。動氣在左。不可發汗。汗則頭眩。汗不止。筋惕肉瞤。動氣在上。不可發汗。汗則氣上衝。正在心中。動氣在下。不可發汗。汗則無汗。心大煩。骨節疼痛。運食入則吐。舌不得全。又脈沉咽燥。病已入裏。汗之則津液越出。大便難而譫語。又少陰症。但厥無汗。而強發之。則動血。未知從何道出。或從耳目。或從口鼻出者。此爲下厥上竭。爲難治。又少陰中寒。不可發汗。汗則厥逆踈臥。不能自溫也。又寸脈弱者。不可發汗。汗則亡陽。尺脈弱者。不可發汗。汗則亡陰。又諸亡血家。不可汗。汗則直視。喘。以上陷。淋家不可汗。汗則便血。瘡家不可

汗。汗則瘥。又傷寒病在少陽。不可汗。汗則譫妄。又壞病虛人。及
女人經水適來者。不可汗。若妄汗之。則變症百出矣。所謂當汗
不可汗。而妄汗。誤人者。此也。夫病不可汗。而又不可以不汗。則
將聽之乎。是有道焉。傷寒賦云。動氣理中去白朮。是卽於理中
湯去白朮而加汗藥。保元氣而除病氣也。又熱邪入裏而表未
解。仲景有麻黃石膏之例。有葛根黃連黃芩之例。是清藥解表
法也。又大陽症。脈沉細。少陰症。反發熱者。用麻黃附子細辛之
例。是溫中解表法也。又少陽中風。用柴胡湯加桂枝。是和解中
兼表法也。又陽虛者。東垣用補中湯加表藥。陰虛者。丹溪用芎
歸湯加表藥。其法精且密矣。總而言之。凡一切陽虛者。皆宜補

中發汗。一切陰虛者皆宜養陰發汗。挾熱者皆宜清涼發汗。挾寒者皆宜溫經發汗。傷食者則宜消導發汗。感重而體實者汗之宜重。麻黃湯。感輕而體虛者汗之宜輕。香蘇散。又東南之地不比西北。隆冬開花。少霜雪。人稟常弱。腠理空疎。凡用汗藥只須對症不必過重。予嘗治傷寒初起。專用香蘇散加荆防川芎。秦艽。蔓荊等藥一劑愈。甚則兩服。無有不安。而麻黃峻劑數十年來不上兩餘。可見地上不同。用藥迥別。其有陰虛陽虛挾寒挾熱兼食而為病者。即按前法治之。但師古人用藥之意而未嘗盡泥其方。隨時隨症酌量處治。往往有驗。此皆心試之成法。而與斯世其白之。所以拯災救患者莫切乎此。此汗之之道也。

且三陽之病淺深不同。治有次第。假如症在太陽而發散陽邪已隔一層。病在太陽陽明而和解少陽則引賊入門矣。假如病在三經而專治一經已遺一經。病在三經而偏治一經即遺二經矣。假如病在一經而兼治二經或兼治三經則邪過經矣。況太陽無汗麻黃爲最。太陽有汗桂枝可先。葛根專治陽明。柴胡專主少陽。皆的當不易之藥。至於九味羌活乃兩感熱症三陽三陰并治之法。初非爲太陽一經設也。又柴葛解肌湯乃治春溫夏熱之症。自裏達表其症不惡寒而口渴。若新感風寒惡寒而口不渴者非所宜也。又傷風自汗用桂枝湯傷暑自汗則不可用。若誤用之熱邪愈盛而病必增劇。若于暑症而妄行發散

復傷津液。名曰重暍。多致不救。古人設爲白朮防風例。以治風。設益元散香薷飲。以治暑。俾不犯三陽禁忌者。良有以也。又人知發汗退熱之法。而不知退汗退熱之法。汗不出則散之。汗出多則斂之。斂也者。非五味酸棗之類。其謂致病有因出汗有由。治得其宜。汗自斂耳。譬如風傷衛。汗自出者。以桂枝湯和榮衛。祛風邪而汗自止。若熱邪傳裏。令人汗出者。乃熱氣薰蒸。如釜中吹者。水氣旁流。非虛也。急用白虎湯清之。若邪已結聚。不大便者。則用承氣湯下之。熱氣退而汗自收矣。此與傷暑自汗。暑向但暑傷氣爲虛邪。只有清補並行之一法。寒傷形爲實邪。則清熱之外。更有攻下止汗之法也。復有發散太過。遂致汗多亡。

陽身潤動欲擗地者。真武湯主之。此救逆之良藥。與中寒冷汗自出者同類。并稱又與熱症汗出者大相逕庭矣。其他少陽症頭微汗。或盜汗者。小柴胡湯水氣症。頭汗出者。小半夏加茯苓湯。至于虛人自汗盜汗等症。則歸脾補中八珍十全按法而用。委曲尋繹。各盡其妙。而後即安。所謂汗之必中其經。必得其藥。知發而知斂者。此也。嗟嗟。百病起于風寒。風寒必先客表。汗得其汗。何病不除。汗法一差。天枉隨之矣。吁。汗豈易言哉。

論和法

傷寒在表者可汗。在裏者可下。其在半表半裏者。惟有和之一法焉。仲景用小柴胡湯加減是已。然有當和不和。誤人者。有不

當和而和以誤人者有當和而和而不知寒熱之多寡稟質之虛實藏府之燥濕邪氣之兼并以誤人者是不可不辨也夫病當耳聾脇痛寒熱往來之際應用柴胡湯和解之而或以麻黃桂枝發表誤矣或以大黃芒硝攻裏則尤誤矣又或因其胸滿脇痛而吐之則亦誤矣蓋病在少陽有三禁焉汗吐下是也且非惟汗吐下有所當禁卽舍此三法而妄用他藥均爲無益而反有害古人有言少陽膽爲清淨之府無出入之路只有和解一法柴胡一方最爲切當何其所見明確而立法精微亦至此乎此所謂當和而和者也然亦有不當和而和者如病邪在表未入少陽誤用柴胡謂之引賊入門輕則爲瘧重則傳入心包

漸變神昏不語之候。亦有邪已入裏。燥渴譫語。諸症叢集。而醫者僅以柴胡湯治之。則病不解。至於內傷勞倦。內傷飲食氣虛。血虛癰腫。瘀血諸症。皆令寒熱往來。似瘧非瘧。均非柴胡湯所能去者。若不辨明症候。切實用藥。而借此平穩之法。巧爲藏拙。誤人非淺。所謂不當和而和者。此也。然亦有當和而和。而不知寒熱之多寡者何也。夫傷寒之邪在表爲寒。在裏爲熱。在半表半裏則爲寒熱交界之所。然有偏於表者。則寒多偏於裏者。則熱多。而用藥須與之相稱。庶陰陽和平。而邪氣頓解。否則寒多而益其寒。熱多而助其熱。藥既不平。病益增劇。此非不和也。和之而不得。寒熱多寡之宜者也。然又有當和而和。而不知寒熱

之虛實者何也。夫客邪在表。譬如賊甫入門。豈敢遽登吾堂。而
 不吾室。必窺其堂。與空虛。乃乘隙而進。是以小柴胡用人參者。
 所以補正氣。使正氣旺。則邪無所容。自然得汗而解。蓋由是而
 不復由是門出也。亦有表邪失汗。腠理緻密。賊無出路由此而
 傳入少陽。熱氣漸盛。此不關本氣之虛。故有不用人參而和解。
 自愈者。是知病有虛實。法在變通。不可誤也。然又有當和而和。
 而不知藏府之燥濕者何也。如病在少陽。而口不渴。大便如常。
 是津液未傷。清潤之藥不宜太過。而半夏生薑皆可用也。若口
 大渴。大便漸結。是邪氣將入於陰。津液漸少。則辛燥之藥可除。
 而花粉瓜蒌有必用矣。所謂藏府有燥濕之不同者此也。然又

有當和而和。而不知邪之兼并者何也。假如邪在少陽而太陽陽明症未罷。是少陽兼表邪也。小柴胡中須加表藥。仲景有柴胡加桂枝之例矣。又如邪在少陽而兼裏熱。則便閉譫語燥渴之症生。小柴胡中須兼裏藥。仲景有柴胡加芒硝之例矣。又三陽合病。閤目則汗。而垢譫語遺尿者。用白虎湯和解之。蓋三陽全病。必連胃府。故以辛涼之藥。內清本府。外徹肌膚。令三經之邪一同解散。是又專以清劑爲和矣。所謂邪有兼併者。此也由是推之。有清而和者。有溫而和者。有消而和者。有補而和者。有燥而和者。有潤而和者。有兼表而和者。有兼攻而和者。和之義則一而和之法。變化無窮焉。知斯意者。則溫熱之治。瘟疫之方。

時行痰癰。皆從此推廣之。不難應手而愈矣。世人漫曰和解而
不能盡其和之法。將有增氣助邪而益其爭。堅其病者。和云乎
哉。

論下法

下者攻也。攻其邪也。病在表則汗之。在半表半裏則和之。病在
裏則下之而已。然有當下不下誤人者。有不當下而下誤人者。
有當下不可下而妄下之誤人者。有當下不可下而又不可以
不下下之不得其法以誤人者。有當下而下之不知淺深不分
便溺與蓄血。不論湯丸以誤人者。又難症中不別寒熱積滯痰
水蠱血癰膿以誤人者。是不可不察也。何謂當下不下。仲景云。

少陰病得之二三日。口燥咽乾者。急下之。少陰病六七日。腹滿不大便者。急下之。下利脈滑數。不欲食。按之心下鞭者。有宿食也。急下之。陽明病。譫語不能食。胃中有燥屎也。可下之。陽明病發熱汗多者。急下之。少陰病下利清水。色純青。心下必痛。口乾燥者。急下之。傷寒六七日。目中不了了。睛不和。無表症。大便難者。急下之。此皆在當下之例。若失時不下。則津液枯竭。身如稿木。勢難挽回矣。然又有不當下而下者。何也。如傷寒表症未罷。病在陽也。下之則成結胸。病邪雖已入裏。而散漫於三陰經絡之間。尚未結實。若遽下。亦成痞氣。況有陰結之症。而大便反鞭。得溫則行。如開冰解凍之象。又雜症之中。有高年血燥不行。有

新產血枯不行者。有病後亡津液者。有亡血者。有日久不更衣。腹無所若。別無他症者。若誤下之。變症蜂起矣。所謂不當下而下者。此也。然又有常下不可下者。何也。病有熱邪傳裏。已成可下之症。而其臍之上下左右。或有動氣。則不可以下。經云。動氣在右。不可下。誤下之。則津液內竭。咽燥鼻乾。頭眩心悸也。動氣在左。不可下。下之。則腹內拘急。食不下。動氣更劇。雖有身熱。臥則欲蹠。動氣在上。不可下。下之。則掌握煩熱。身浮汗泄。欲得水。自灌。動氣在下。不可下。下之。則腹滿頭眩。食則清穀。心下痞也。又咽中閉塞者。不可下。下之。則下輕上重。水漿不入。蹠臥身疼。下利日數十行。又脈微弱者。不可下。脈浮大。按之無力者。不可

下脈遲者不可下。喘而胸滿者不可下。欲吐欲嘔者不可下。病人陽氣素微者不可下。下之則呃。病人平素胃弱不能食者不可下。病中能食胃無燥屎也不可下。小便清者不可下。病人腹滿時減復如故者不可下。若誤下之變症百出矣。所謂當下不可下而妄下誤人者此也。然有當下不可下而又不可不下者何也。夫以羸弱之人虛細之脈一旦而熱邪乘之是爲正虛邪盛最難措手。古人有清法焉有潤法焉有導法焉有少少微和之法焉有先補後攻先攻後補之法焉有攻補並行之法焉不可不講也。如三黃解毒清之也。麻仁梨汁潤之也。蜜煎豬胆汁土瓜根潤之也。涼膈散大柴胡少少和之也。更有脈虛體弱不

能勝任者。則先補之。而後攻之。或暫攻之。而隨補之。或以人參湯送下三黃枳朮丸。又或以人參瓜蒌枳實攻補並行。而不相悖。蓋峻劑一投。卽以參朮歸芍維持調護於其中。俾邪氣潛消。而正氣安固。不愧爲王者之師矣。又有雜症中。大便不通。其用藥之法。可相參者。如老人久病人。新產婦人。每多大便閉結之症。丹溪用四物湯。東垣用通幽湯。予嘗合而酌之。而加以從蓉。枸杞。柏子仁。芝朮。松子仁。人乳。梨汁。蜂蜜之類。隨手取效。又嘗於四物加升麻。及前滋潤藥。治老人血枯。數至圉而不能便者。往往有驗。此皆委曲疏通之法。若果人虛。雖傳經熱邪。不妨借用。寧得猛然一往。敗壞真元。至成洞瀉。雖曰天命。豈非人事哉。

所爲下之貴得其法者此也。然而有當下而不知淺深，不分便溺與蓄血，不論湯丸以誤人者，何也？如仲景大承氣湯必痞滿燥實兼全者，乃可用之。若僅痞滿而未燥實者，仲景只用瀉心湯。痞滿兼燥而未實者，仲景只用小承氣湯。除去芒硝，恐傷下焦陰血也。燥實在下而痞滿輕者，仲景只用調胃承氣湯。除去枳朴，恐傷上焦陽氣也。又有太陽傷風症，誤下而傳太陰，以致腹痛者，則用桂枝湯加芍藥。太實痛者，桂枝加以大黃，是解表之中兼攻裏也。又有邪從少陽來，寒熱未除，則用大柴胡湯，是和解之中兼攻裏也。又結胸症，項背強，從胸至臆硬滿而痛，手不可近者，仲景用大陷胸湯。九若不按不痛者，只用小陷胸

胸湯若寒食結胸。用三白散。熱藥攻之。又水結胸。頭出汗者。用小牛夏加茯苓湯。水停脇下。痛不可忍者。則用十棗湯。凡結胸陰陽二症。服藥罔效。活人俱用枳實理中丸。應手而愈。又同前三書云。熱熱蓄甚。神昏逆厥。脈反滯澀。有微細欲絕之象。世未明造化之理。投以溫藥。則不可救。或者妄行攻下。致殘陰寒絕勢。大可危。不下亦危。宜用涼膈散。合解毒湯。養陰退陽。積熱藉以宣散。則心胸和暢。而脈漸以生。此皆用藥淺深之次第也。又如太陽症未罷。口渴小便短澀。大便如常。此爲溺澀不通之症。治用五苓散。又太陽傳本。熱結旁胱。其人如狂。小腹硬滿而痛。小便自利者。此爲蓄血下焦。宜抵當湯丸。若蓄血輕微。但少

腹急結未至硬滿者。則用桃核承氣湯。或用生地四物湯加酒洗大黃各半下之。尤爲穩當。蓋弱瘡症。大便如常。燥糞症。小便不利。蓄血症。小便自利。大便色黑也。此便溺蓄血之所由分也。血結膀胱。病勢最急。則用抵當湯。稍輕者。抵當丸。結胸惡症。悉具。則用大陷胸湯。稍輕者。大陷胸丸。其他蕩滌腸胃。推陳致新之法。則皆用湯。古人有言。凡用下藥。攻邪氣。湯劑勝丸散。誠以熱浮于內。用湯液滌除之。爲清淨耳。此湯丸之別也。然又有雜症中。不別寒熱積滯。痰水蠱血。瘕膿。以誤人者。何也。東垣治傷食症。腹痛便閉拒按者。因于冷食。用見睨丸。因于熱食。用蘆黃枳朮丸。若冷熱互傷。則以二丸酌其所食之多寡。而互用之。應

手取效。又實熱老痰。滾痰丸。水腫實症。神佑在遠。積剪經丸。而
積花蕊丹。失笑丸。腸癰牡丹皮散。隨症立方。各有攸宜。此雜症
攻下之良法也。近世庸家。不講手法。每視下藥爲畏途。病者亦
視下藥爲砒鴆。致令熱症垂危。袖手旁觀。委之天數。大可悲耳。
昔張子和儒門事親三法。卽以下法爲補。謂下去其邪而正氣
自復。谷肉果菜無往而非補養之物。雖其說未合時宜。而手治
病攻邪之法。正未可缺。吾願學者仰而思之。平心而察之。得其
要領。以施救濟之方。將以濟斯民于壽域。不難矣。

論消法

消者去其壅也。藏府經絡肌肉之間。水無此物。而忽有之。必爲

消散乃得其平。經云：堅者削之。是已然有當消不消。誤人者有。不當消而消。誤人者有。當消而消之不得其法。以誤人者有。消之而不明部分。以誤人者有。消之而不辨夫積聚之原有氣血。積食停痰。蓄水。瘕。膿。蟲。蠱。勞。瘵。與夫。癰。癤。癰。疽。疔。瘡。癰。腫。石。瘕。以及前後二陰諸疾。以誤人者。是不可不審也。凡人起居有常。飲食有節。和平恬淡。氣血周流。谷神充暢。病安從來。惟夫一有不慎。則六淫外侵。七情內動。飲食停滯。邪日留止。則諸症生焉。法當及時消導。俾其速散。氣行則愈耳。倘遷延日久。積氣盤踞。堅牢日漸長大。有欲拔不能之勢。雖有智者。亦難爲力。此當消不消之過也。然亦有不當消而消者何也。假如氣虛中滿。

名之曰鼓腹皮膨急。中空無物。取其形如鼓之狀。而因以名之。此爲敗症。必須填實。庶乎可消。與蟲症之爲蟲爲血。內實而有物者。大相徑庭。又如脾虛水腫。土衰不能制水也。非補土不可。真陽大虧。火衰不能生土者。非溫煖命門不可。又有脾虛食不消者。氣虛不能運化而生痰者。腎虛水泛爲痰者。血枯而經水斷絕者。皆非消導所可行。而或妄用之。誤人多矣。所謂不當消而消者。此也。然又有當消而消之不得其法者。何也。夫積聚癥瘕之症。有初中末之三法焉。當其邪氣初客。所積未堅。則先削之。而後和之。及其所積日久。氣鬱漸深。濕熱相生。塊因漸大。法從中治。當祛濕熱之邪。削之。更之以底于平。但邪氣久客。正氣

必虛。須以補瀉。疊相爲用。如薛立齋用歸脾湯。送下應蒼丸。予亦嘗用五味異功散。佐以和中丸。皆攻補並行之中治道也。若夫塊消及半。便從末治。不使攻擊。但補其氣。調其血。導達其經脈。俾營衛流通。而塊自消矣。凡攻病之藥。皆損氣血。不可過也。此消之之法也。然又有消之而不明部分者。何也。心肝脾肺腎。分布五方。胃大腸小腸。旁光三焦。胆與竇中。皆附麗有常所。而皮毛肌肉筋骨。各有淺深。凡用湯丸膏散。必須按其部分。而君臣佐使。駕馭有方。使不得移。則病處當之。不至誅伐無過矣。此醫門第一義也。而于消法爲尤要。不明乎此。而妄行剋削。則病未消。而元氣已消。其害可勝言哉。況乎積聚之原有氣血食積。

停痰蓄水。癰膿蟲蠱勞瘵。與夫疰癘癰。七疖胞痺瘕。腸覃石瘕。以及前後二陰諸疾。各各不同。若不明辨。爲害匪輕。予因約畧而指數之。夫積者。成于五臟。推之不移者也。聚者。成于六腑。推之則移者也。其忽聚忽散者。氣也。痛有定處而不散者。血也。得食則痛。暖腐吞酸者。食積也。腹有塊。按之而爽者。痰也。先足腫。後及腹者。水也。先腹滿。後及四肢者。脹也。痛引兩脇。咳而吐涎者。停飲也。咳而胸痛。吐膿腥臭者。肺癰也。當胃而痛。嘔而吐膿者。胃脘癰也。當臍而痛。小便如淋。轉側作聲者。腸內瘕也。增寒壯食。飲食如常。身有痛。偏着一處者。外瘕也。病人嗜食甘肥。或異物。飢時則痛。脣之上下有白斑點者。蟲也。蟲有九。濕熱所生。

而爲蛇爲鼈。則血之所成也。明以知爲蛇鼈。腹中如有物動而痛不可忍。吃血故也。又嶺南之地。以蠱害人。施于飲食。地方之蟲多。因近池飲冷。陰受蛇虺之毒也。病人咳嗽痰紅。抑抑不樂。畏見人。喉癢而咳劇者。勞瘵生蟲也。核如弓弦。筋病也。癖則隱僻。附骨之病也。癥則有塊可徵。積之類也。瘕者。或有或無。痞氣之類也。少腹如湯沃。小便瀉者。胞痺也。痛引臍丸。疝也。女人經水自行。而腹塊漸大。如懷子者。腸覃也。經塊不行。而腹塊漸大。并非妊者。石瘕也。有妊無妊。可于脈之滑澀辨之也。至于濕熱下墜。則爲陰莖陰蝕。陰挺下脫。陰莖腫爛之類。而虛火內燦。庚金則爲痔漏。爲懸癰。爲蕪毒。種種見症。不一而足。務在明辨症。

候按法而消之也。醫者以一消字視為泛常。而不知其變化曲折較他法為尤難。則奈何不詳稽博考以盡濟時之仁術也耶。

論吐法

吐者治上焦也。胸次之間。咽喉之地。或有痰食癰膿。法當吐之。經曰。其高者因而越之。是已然有當吐不吐。悞人者。有不當吐而吐。悞人者。又有當吐不可吐。而妄吐之以悞人者。亦有當吐不可吐。而又不可以不吐。吐之不得其法。以悞人者。是不可不辨也。卽如纏喉鎖喉諸症。皆風痰鬱火壅塞其間。不急吐之。則脹閉難忍矣。又或食停胸膈。消化弗及。無由轉輸。脹滿疼痛者。必須吐之。否則胸高滿悶。變症莫測矣。又有停痰畜飲。阻寒清

道日久生變。或妨礙飲食。或頭眩心悸。或吞酸愛腐。手足麻痺。種種不齊。宜用吐法導祛其痰。諸症如失。又有胃脘痞。嘔吐膿血者。經云。嘔家有膿。不須治。膿盡自愈。凡此皆當吐而吐者也。然亦有不當吐而吐者。何也。如少陽中風。胸滿而煩。此邪氣而非有物。不可吐。吐則驚悸也。又少陰病。始得之。手足厥冷。飲食入口。卽吐。此膈上有寒飲。不可吐也。病在太陽。不可吐。吐之則不能食。反生內煩。雖曰吐中有散。然邪氣不除。已爲小逆也。此不當吐而吐者也。然又當吐不可吐者。何也。蓋凡病之用吐。必察其病之虛實。因人取吐。先察其人之性情。不可悞也。夫病在上焦。可吐之症。而其人病勢危篤。或老弱氣衰者。或體質素

虛脈息微弱者。婦人新產者。自吐不止者。諸亡血者。有動氣者。四肢厥冷冷。汗自出者。皆不可吐。吐之則爲逆候。此因其虛而禁吐也。若夫病久之人。宿積已深。一行吐法。心火自降。相火必搖。設犯房勞。轉生虛症。反難救藥。更須戒怒。凝神調息。靜養。越三旬而出戶。方爲合法。若其人性氣剛暴。好怒喜淫。不守禁忌。將何恃以無恐。此又因性情而禁吐也。所謂當吐不可吐者。此也。然有不可吐而又不吐者。何也。病人脈滑大。胸膈停痰。胃脘積食。非吐不除。食用瓜蒂散。與橘紅淡鹽湯。痰以二陳湯。用指探喉中而出之。體質極虛者。或以煎湯。桔梗代之。斯爲穩當。而子更有法焉。予嘗治寒痰閉塞。厥逆昏沉者。用半夏橘紅。

各入錢濃煎半杯。和姜汁成一杯。頻頻灌之。痰隨藥出。則拭之。
隨灌隨吐。隨吐隨灌。少頃痰開。藥下。其人卽甦。如此者甚衆。又
嘗治風邪中臟。將脫之症。其人張口痰鳴。聲如曳鋸。洩便自遺。
者更難任治。而稀涎皂角等藥。既不可用。亦不服用。因以大劑
參附姜夏濃煎灌之。藥隨痰出。則拭之。隨灌隨吐。隨吐隨灌。久
之藥力下咽。胸膈流通。參附大進。立至數兩。其人漸甦。一月之
間。參藥數斤。遂至平復。如此者。又衆。又嘗治風痰熱閉之症。以
牛黃丸灌。如前法。頸疽內攻。藥不得入者。以蘇香丸灌之。如前
法。風熱不語者。以解語丹灌。如前法。中暑不醒者。以消暑丸灌。
如前法。中惡不醒者。以前項橘半姜汁灌。如前法。魘夢不醒者。

以連翹葱白煎酒灌之前法。自溫莖醒者。以肉桂葉錢煎酒灌。如前法。喉閉喉風。以杜牛膝搗碎雄黃等末灌。如前法。俱護於安。如此者。又衆更有牙關緊急閉塞不通者。以搐鼻散吹鼻。或嚏。嚏出牙開。或痰或食隨吐而出。其人遂甦。如此者。尤衆。蓋因症用藥。隨藥取吐。不吐之吐。其意更深。此皆古人之成法。而予稍爲變通者也。昔仲景治胸痛不能食。按之反有涎吐。下利日數。下利吐之利則止。是以吐痰止利也。丹溪治妊婦轉胞小便不通。用補中益氣湯隨服而探吐之。往往有驗。是以吐法而通。膈丹溪又以韭汁去瘀血以治前症。華陀以醋蒜吐蛇。河間以狗油雄黃同瓜蒂以吐蟲而通膈。由此觀之。則症在危險之際。

古人恒以通劑盡其神化莫測之用。況于顯然易見者乎。則甚矣吐法之宜講也。近世醫者。每將此法置之高閣。亦似汗下之外。并無吐法。以致病中常有自嘔自吐。而爲順症者。見者驚聞者駭。醫家亦不論虛實。而亟亟止之。反爲壞病。害人多矣。可不畏哉。

論清法

清者。清其熱也。藏府有熱則清之。經云。熱者寒之是已。然有當清不清。誤人者。有不當清而清。誤人者。有當清而清之。不另內外。以傷感。誤人者。有當清而清之。不量其人。不量其症。以誤人者。是不可不察也。夫六淫之邪。除中寒寒濕外。皆不免于病熱。

熱氣薰蒸。或見于口舌唇齒之間。或見于口渴便溺之際。灼知其熱而不清。則斑黃狂亂。厥逆吐衄。諸症叢生。不一而足。此當清不清之悞也。然又有不當清而清者何也。有如勞力辛苦之人。中氣大虛。發熱倦怠。心煩溺赤。名曰虛火。蓋春生之令不行。無陽以護其營衛。與外感熱症相隔霄壤。又有陰虛勞瘵之症。日晡發熱。與夫產後血虛發熱煩躁。症象白虎。悞服白虎者。難治。更有命門火衰。浮陽上泛。有似于火者。又有陰盛隔陽。假熱之症。其人面赤狂躁。欲坐臥泥水中。或數日不大便。或舌黑而與脈反洪太。崢嶸然鼓擊于指下。按之豁然而空者。或口渴欲得冷飲而不能下。或因下元虛冷。頻飲熱湯以自救。世俗不

識誤投涼藥下咽卽危矣。此不當清而清之誤也。然外感清而
而不分內傷外感者何也。蓋風寒閉火則散而清之經云水鬱
發之是也。暑熱傷氣則補而清之。惠垣清暑益氣湯是也。濕熱
之火則或散或滲或重而清之。開鬼門。清淨府。除陳莖。是也。燥
熱之火則潤而清之。通利便也。食積積熱則消而清之。食積火
自來也。惟夫傷寒傳入胃府熱勢如蒸。每証以黃芩冷服能消
水者。藉非白虎之類。鮮能有濟也。更有陽盛拒陰之症。服清藥
不入。到卽吐。則以姜汁少些爲引。或姜製黃連。反佐以服之。
所謂寒因熱用是也。此外感實寒之清法也。若秋七。陽氣結。
怒憂悲恐驚。並相感觸。冰從內發。丹溪治以越鞠丸。開鬱。

也。立療主以逍遙散。調肝氣也。意以一方治本。夢而諸醫皆疑也。然經云。怒則氣上。喜則氣緩。悲則氣消。恐則氣下。驚則氣亂。思則氣結。逍遙一方以之治氣上氣結者。固爲相宜。而平氣氣消氣亂氣下之症。恐猶未合。蓋氣虛者必補其氣。血虛者必滋其血。氣旺血充。而七情之火。悠焉以平。至若真陰不足。而火上炎者。壯水之主。以鎮陽光。真陽不足。而火上炎者。引火歸原。以導龍入海。此內傷虛火之治法也。或者曰。病因于火。而以熱藥治之。何也。不知外感之火。邪火也。入火也。有形之火。後天之火也。得水則滅。故可以水折。內傷之火。虛火也。龍雷之火也。無形之火。先天之火也。得水則炎。故不可以水折。譬如龍得水而

愈奮飛。雷得雨而益震動。陰濛沉晦之氣。光焰燭天。必俟雲收。日出而龍雷各歸其宅耳。是以虛火可補而不可瀉也。其有專用參芪而不用八味者。因其宅穴無寒也。其有專用六味而不用桂附者。因其宅穴無水也。補則同而引之者稍不同耳。蓋外感之火。以涼爲清。內傷之火。以補爲清也。然又有清之而不量其人者何也。夫以壯實之人而患實熱之病。清之稍重。尚爲無碍。若本體素虛。藏府本寒。飲食原少。腸胃虛滑。或產後病後。房室之後。卽有熱症。亦宜少少用之。寧可不足。不使有餘。或餘熱未清。卽以輕藥代之。庶幾病去人安。倘清劑過多。則療熱未已。而寒生矣。此清之貴量其人也。然又有清之不量其症者何也。

夫以大熱之症而清劑太微。則病不除。微熱之症而清劑太過。則寒症卽至。但不及猶可。再清太過。則將醫藥矣。且凡病清之而不去者。猶有法焉。壯水是也。王太僕云。大熱而甚。寒之不寒。是無水也。當滋其腎。腎水者。天真之水也。取我天真之水。以制外邪。何邪不服。何熱不除。而又何必沾沾于寒涼。以滋罪戾乎。由是觀之。外感之火。尚當滋水以制之。而內傷者。更可知矣。大抵清火之藥。不可久持。必歸本于滋腎。滋陰之法。又不能開胃。扶脾。以恢復元氣。則參苓芪朮。亦當酌量而用。非曰清後必補。但元氣無虧者。可以不補。元氣有虧。必須補之。俟其飲食漸進。精神爽慧。然後止藥可也。此清之貴量其症也。總而言之。有外

感之火有內傷之火。外感爲實。內傷爲虛。來路不同。治法迥別。寧曰。熱者寒之。遂足以畢醫家之能事也乎。

論溫法

溫者。溫其中也。臟受寒侵。必須溫劑。經云。寒者熱之。是已。然有當溫不溫。悞人者。卽有不當溫而溫。以悞人者。有當溫而溫之。不得其法。以悞人者。有當溫而溫之。不量其人。不量其症。與其時。以悞人者。是不可不審也。天地殺厲之氣。莫甚于傷寒。其自表而入者。初時卽行溫散。則病自除。若不由表入。而直中陰經者。名曰中寒。其症惡寒。厥逆。口鼻氣冷。或冷寒自出。嘔吐瀉利。或腹中急痛。厥逆無脈。下利清穀。種種寒症。并見。法當溫之。又

或寒濕侵淫。四肢拘急。發爲痛痺。亦宜溫散。此當溫而溫者也。然又有不當溫而溫者何也。如傷寒邪熱傳裏。口燥咽乾。便閉譫語。以及斑黃狂亂。衄吐便血諸症。其不可溫固無論矣。若乃病熱已深。厥逆漸進。舌則乾枯。反不知渴。又或挾熱下利。神昏氣弱。或脈來瀦滯。反不應指。色似烟薰。形如槁木。近之無聲。望之似脫。甚至血液衰耗。筋脈拘攣。但唇口齒舌乾燥而不可解者。此爲真熱假寒之候。世俗未明亢害承制之理。誤投熱劑。下咽卽敗矣。更有鬱熱內畜。身反惡寒。濕熱脹滿。皮膚反冷。中暑煩心。脈虛自汗。燥氣焚金。痿軟無力者。皆不可溫。又有陰虛脈細數。陽乘而吐血者。亦不可溫。溫之則爲逆候。此所謂不當用。

溫而溫者也。然又有當溫而溫之不得其法者何也。假如冬令傷寒則溫而散之。冬令傷風則溫而解之。寒痰壅閉則溫而開之。冷食所傷則溫而消之。至若中寒暴痛大便反硬溫藥不止者則以熱劑下之。時常暑月而納涼飲冷暴受寒侵者亦當溫之。體虛挾寒者溫而補之。寒客中焦理中湯溫之。寒客下焦四逆湯溫之。又有陰盛格陽于外溫藥不效者則以白通湯加人尿猪胆汁反佐以取之。經云熱因寒用是已。復有真虛挾寒命門火衰者必須補其真陽。太僕有言大寒而盛熱之不熱是無火也。當補其心。此心字指命門而言。仙經所謂七節之旁中有小心是也。書曰益心之陽寒亦通行。滋腎之陰熱之猶可是也。

然而醫家有溫熱之溫。有溫存之溫。參。芪。歸。朮。和。平。之。性。溫。存。之。溫。也。春。日。煦。煦。是。也。附。子。姜。桂。辛。辣。之。性。溫。熱。之。溫。也。夏。日。烈。烈。是。也。和。煦。之。日。人。人。可。近。燥。烈。之。日。非。積。雪。嚴。寒。開。冰。解。凍。不。可。近。也。更。有。表。裏。皆。寒。之。症。始。用。溫。藥。裏。寒。頓。除。表。邪。未。散。復。傳。經。絡。以。致。始。爲。中。寒。而。其。後。轉。變。爲。熱。中。者。容。或。有。之。藉。非。斟。酌。時。宜。對。症。投。劑。是。先。以。溫。藥。救。之。者。繼。以。溫。藥。賊。之。矣。亦。有。三。陰。直。中。初。無。表。邪。而。溫。藥。太。過。遂。令。寒。退。熱。生。初。終。異。轍。是。不。可。以。不。謹。所。謂。溫。之。貴。得。其。法。者。此。也。然。又。有。溫。之。不。量。其。人。者。何。也。夫。以。氣。虛。無。火。之。人。陽。氣。素。微。一。旦。客。寒。乘。之。則。溫。劑。宜。重。且。多。服。亦。可。無。傷。若。其。人。平。素。火。旺。不。喜。辛。溫。

或會有陰虛失血。不能用溫者。卽中新寒溫藥不宜太過。觀其
病退卽止。不必盡劑。斯爲克當其人矣。若論其症。寒之重者。微
熱不除。寒之輕者。過劑則亢。且溫之與補。有相兼者。有不必相
兼者。虛而且寒。則兼用之。若寒而不虛。卽專以溫藥主之。丹溪
云。客寒暴痛。兼有積食者。可用桂附。不可遽用人參。益溫卽是
補。予遵其法。先用姜桂溫之。審其果虛。然後以參朮附之。是以
屢用屢愈。無有差忒。此溫之實量其症也。若論其時。盛夏之月。
溫劑宜輕。時值隆冬。溫劑宜重。然亦時當盛暑而有得虛寒極
重之症。曾用參附煎膏而治愈者。此捨時從症法也。譬如霜降
以後。禁用白虎。然亦有陽明症。蒸熱自汗。譫語煩躁。口渴飲冷。

者雖當雨雪飄搖之際亦曾用白虎治之而痊安但不宜太過耳此溫之貴量其時而清劑可類推矣邇時醫者羣尚溫補痛戒寒涼且曰陽爲君子陰爲小人又曰陽明君子苟有過人必知之誠以知之而不爲補救猶可言也不思藥以療病及轉而療藥則病必增劇而成危險之候又況桂枝下咽陽盛則殆承氣入胃陰盛以敗安危之機禍如反掌每多救援勿及之處仁者鑒此顧不痛歎吾願醫者精思審處晰理不差於毫厘用藥悉歸于中正俾偏陰偏陽之藥無往于底於中和斯爲善治噫可不勉哉

論補法

補者補其虛也。經曰：不能治其虛，安問其餘？又曰：邪之所奏，其氣必虛。又曰：精氣奪則虛。又曰：虛者補之。補之爲義大矣哉。然有當補不補，悞人者；有不當補而補，悞人者；亦有當補而不分氣血，不辨寒熱，不識開合，不知緩急，不分五藏，不明根本，不深求調攝之方，以悞人者。是不可不講也。何爲當補不補？夫虛者損之漸，損者虛之積也。初時不覺，久則病成。假如陽虛不補，則氣日消；陰虛不足，則血日耗。消且耗焉，則天真營衛之氣漸絕，而虧損成矣。雖欲補之，將何及矣？又有大虛之症，內實不足，外似有餘，脈浮大而濇，面赤火炎，身浮頭眩，煩躁不寧。此爲出汗暈脫之機，更有精神浮散，徹夜不寐者，其禍尤速。法當養營歸

脾草加斂藥以收攝元氣。俾浮散之氣退藏于密。庶幾可救復。有陰虛火亢氣逆上冲不得眠者。法當滋水以制之。切忌苦寒。瀉火之藥。反傷真氣。若誤清之。去生遠矣。古人有言。至虛有盛。候反瀉。舍宛者。此也。此當補不補之誤也。然亦有不當補而補者。何也。病有脈實。証實。不能任補者。固無論矣。卽其人本體素虛。而客邪初至。病勢方張。若驟補之。未免閉門留寇。更有大實之邪。積熱在中。脈反細澀。神昏體倦。甚至憎寒振栗。欲着覆衣。酷肖虛寒之象。而其人必有唇焦口燥。便閉溺赤諸証。與眞虛者相隔天淵。倘不明辨精切。誤投補劑。墮矣。古人有言。大實有羸狀。誤補益疾者。此也。此不當補而補之之誤也。然亦有當補。

而補之不分氣血不辨寒熱者何也。經曰氣主煦之血主濡之。氣用四君子湯。凡一切補氣藥皆從此出也。血用四物湯。凡一切補血藥皆從此出也。然而少火者生氣之原。丹田者出氣之海。補氣而不補火者非也。不思少火生氣而壯火卽食氣。譬如傷暑之人四肢無力。濕熱成痿不能舉動者。火傷氣也。人知補火可以益氣而不知清火亦所以益氣。補則同而寒熱不同也。又如血熱之症宜補血行血以清之。血寒之症宜溫經養血以和之。立齋治法。血熱而吐者謂之陽乘陰。熱迫血而妄行也。治用四生丸。六味湯。血寒而吐者謂之陰乘陽。如天寒地凍水凝成冰也。治用理中湯加當歸。醫家常須識此。勿令悞也。更有去

血過多成升斗者無分寒熱皆當補益所謂血脫者益其氣乃陽生陰長之至理蓋有形之血不能速生無形之氣所當急固以無形生有形先天造化本如是耳此氣血寒熱之分也然又有補之不識開合不知緩急者何也天地之理有合必有開而用藥之機有補必有瀉如補中湯用參芪必用陳皮以開之六味湯用熟地卽用澤瀉以導之古人用藥補正必先瀉邪邪去則補自得力又況虛中挾邪正當開其一面戢我人民攻彼賊寇或縱或擒有收有放庶幾賊退民安而國本堅固更須酌其邪正之弱強而用藥多寡得宜方爲合法是以古方中有補散并行者參蘇飲益氣湯是也有消補并行者枳朮丸理中丸是

也有攻補並行者。瀉心湯。硝石丸是也。有溫補並行者。治中湯。參附湯是也。有清補並行者。參連飲。人參白虎湯是也。更有當峻補者。有當緩補者。有當平補者。如極虛之人。垂危之病。非大劑湯液。不能挽回。予嘗用參附煎膏。日服數兩。而救陽微將脫之症。又嘗用參麥煎膏。服至數兩。而救津液將枯之症。亦有無力服參。而以芪朮代之者。隨時處治。往往有功。至于病邪未盡。元氣雖虛。不任重補。則從容和緩以補之。相其机宜。循序漸進。脈症相安。漸爲減藥。穀肉果菜。食養盡之。以底于平康。其有體質素虛。別無大寒大熱之症。欲服丸散。以保真元者。則用平和之藥。調理氣血。不敢妄使僻偏之方。久而爭勝。反有傷也。此開

閣緩急之意也。然又有補之而不分五藏者何也。夫五藏有正補之法。有相生而補之之法。難經曰。損其肺者益其氣。損其心者和其營衛。損其脾者調其飲食。適其寒溫。損其肝者緩其中。損其腎者益其精。此正補也。又如肺虛者補脾。土生金也。脾虛者補命門。火生土也。心虛者補肝。木生火也。肝虛者補腎。水生木也。腎虛者補肺。金生水也。此相生而補之也。而予更有根本之說焉。胚胎始兆。形骸未成。先生兩腎。腎者先天之根本也。因地一聲一事未知。先求乳食。是脾者後天之根本也。然而先天之中有水有火。水曰真陰。火曰真陽。名之曰真。則非氣非血。而爲氣血之母。生身生命全賴乎此。周子曰。無極之真。二五之精。

妙合而凝凝而不動感而遂通隨吾神以爲往來者此也古人深知此理用六味滋水八味補火十補斑龍水火兼濟法非不善矣然而以假補真必其真者未曾盡喪庶幾有效若先天祖氣蕩然無存雖有靈芝亦難續命而況庶草乎至于後天根本尤當培養不可忽視經曰安穀則昌絕穀則危又云粥漿入胃則虛者活古人診脈必曰胃氣制方則曰補中又曰歸脾健脾者良有以也夫飲食入胃分布五藏灌溉周身如兵家之餉糧民間之烟火一有不繼兵民離散矣然而因餓致病者固多而因傷致病者亦復不少過嗜肥甘則痰生過嗜醇醪則飲積瓜果乳酥濕從內發發爲腫滿瀉利五味偏啖久而增氣皆令天

不可不慎哉。是知脾腎兩臟皆爲根本。不可偏廢。古人或謂補脾不如補腎者。以命門之火可生脾土也。或謂補腎不如補脾者。以飲食之精自能下注于腎也。須知脾弱而腎不虛者。則補脾爲亟。腎弱而脾不虛者。則補腎爲先。若脾腎兩虛。則并補之。藥既補矣。更加攝養。有方斯爲善道。諺有之曰。藥補不如食補。我則曰。食補不如精補。精補不如神補。節飲食。惜精神。用藥得宜。病有不痊者寡矣。

傷寒綱領

凡看傷寒。以傳經直中四字爲綱領。傳經者。由太陽傳陽明。由陽明傳少陽。由少陽傳太陰。由太陰傳少陰。由少陰傳厥陰。此

名循經傳也。亦有越經傳者。如寒邪初客太陽。有不傳陽明而經傳少陽者。有不傳陽明經而經傳陽明府者。亦有由陽明不傳少陽而經入本府者。亦有少陽不傳三陰而經入胃府者。亦有傳一二經而止者。亦有始終只在一經者。雖所傳各各不同。其爲傳經則一也。若夫直中者。謂不由陽經傳入而經中三陰者也。中太陰則病淺。中少陰則病深。中厥陰則愈深矣。此其所當急溫也。去傳經之邪在表爲寒。入裏卽爲熱症。不比直中之邪。則但寒而無熱也。先明傳經中中。庶寒熱之劑不至混投矣。仲景三陰條下。混全立言。而昧者不察。無怪其意亂心迷也乎。

傷寒主治四字論

傷寒主治四字者。表裏寒熱也。太陽陽明爲表。太陰少陰厥陰爲裏。少陽居表裏之間。謂之半表半裏。凡傷寒自陽經傳入者。爲熱邪。不由陽經傳入而直入陰經者。謂之中寒。則爲寒邪。此皆前人要旨也。而予則更寒熱表裏四字。舉八言以晰之。任傷寒千變萬化。總不出此。夫傷寒症。有表寒裏寒。又有表熱裏熱。有表裏皆熱。有表裏皆寒。有表寒裏熱。有表熱裏寒。何謂表寒。傷寒初客太陽。頭痛發熱而惡寒者。名曰外感。經所謂體若燔炭。汗出而散者是也。陽明解肌。少陽和解。其理一也。何謂裏寒。凡傷寒不由陽經傳入而直入陰經。手足厥冷。脈微細。下利清穀者。名曰中寒。仲景所謂急溫之宜。四逆湯者是也。何謂表

熱凡人冬不藏精微寒襲於肌膚之間。醞釀成熱。至春感溫氣而發者。爲溫病。至夏感熱氣而發者。曰熱病。其症頭痛發熱。身正傷寒同。但不惡寒而口渴。與正傷寒異耳。傷寒賦云。溫熱發于春夏。務須柴葛以解肌。言病邪在表。故用柴葛。肌肉醞熱。故用黃芩知母以佐之。此活法也。何謂裏熱。凡傷寒漸次傳裏。與夫春溫夏熱之症。熱邪入裏。皆爲裏熱。其在太陰。則津液少。少陰則咽乾口燥。厥陰則消渴。仲景所謂急下之。而用大柴胡三承氣者是也。何謂表裏皆熱。如傷寒陽明症。傳于本府。外面肌肉內而胃府。熱氣薰蒸。口渴譫語。此散漫之熱邪。未結聚。治用白虎湯。外透肌膚。內清藏府。俾表裏兩解。不比邪熱結實。專用

陽。胃。可。下。而。愈。也。正。傷。寒。有。此。而。溫。熱。之。病。更。多。有。此。不。可。不。察。何。謂。表。裏。皆。寒。凡。傷。寒。表。受。寒。邪。更。兼。直。中。于。裏。此。爲。兩。感。寒。症。仲。景。用。麻。黃。附。子。細。辛。湯。是。也。何。謂。表。寒。裏。熱。如。兩。感。熱。症。一。日。太。陽。與。少。陰。同。病。二。日。陽。明。與。太。陰。同。病。三。日。少。陽。與。厥。陰。同。病。三。陽。爲。寒。三。陰。已。成。熱。症。豈。非。表。寒。而。裏。熱。乎。亦。有。火。鬱。在。內。而。加。以。外。感。亦。爲。表。裏。寒。熱。之。候。更。有。火。亢。已。極。反。兼。水。化。內。結。閉。熱。而。外。有。惡。寒。之。狀。者。其。表。似。寒。而。裏。實。熱。悞。投。熱。劑。下。咽。卽。敗。矣。何。謂。表。熱。裏。寒。如。人。本。體。虛。寒。而。外。感。溫。熱。之。邪。此。爲。標。熱。本。寒。清。劑。不。宜。太。過。更。有。陰。寒。在。下。逼。其。無。根。失。守。之。火。發。揚。于。上。肌。膚。大。熱。欲。坐。臥。泥。水。中。者。其。表。似。熱。

其裏實寒。誤投寒劑入胃。卽危矣。傷寒變症。萬有不齊。而總不外乎寒熱表裏四字。其表裏寒熱變化莫測。而總不出此八言。以爲綱領。予寢食于茲者三十年矣。得之于心。應之于手。今特指出而發明之。學者其可不盡心乎。

經腑論

經者。徑也。行于皮之內。肉之中者也。府者。器也。乃所以盛水穀者也。傷寒諸書。以經爲府。以府爲經。混同立言。惑人滋甚。吾特設經腑論。而詳辨之。夫邪之在三陽也。有大陽之經。有陽明之經。有少陽之經。凡三陽在經之邪。未入府者。可汗而已。邪之在陰也。有太陰之經。有少陰之經。有厥陰之經。凡三陰之邪。已入

府者可下而已。所謂入府之府。指陽明胃府而言也。三陰三陽之邪。一入胃府。則無復傳矣。胃者土也。萬物歸土之義也。傷寒論云。有太陽陽明。有正陽陽明。此陽明。卽胃府。少陽陽明。俱非陽明之經也。假令邪在太陽。不傳陽明經。而徑入胃府者。名曰太陽陽明。邪在陽明經。不傳少陽。而自入本府者。名曰正陽陽明。邪在少陽經。不傳三陰。而徑入胃府者。名曰少陽陽明。凡三陽之邪。已入胃府。俱下之。勿疑矣。雖然。三陽入府。人所共知。三陰入府。鮮或能識。夫三陽之經。去府尚遠。三陰之經。與府爲近。然旣曰經。則猶在逕路之間。而未嘗歸併于一處也。傷寒論云。太陽病。脈浮者。可汗之。宜桂枝湯。少陰中風。脈陽微陰浮者。爲

欲愈厥陰中風脈微浮爲欲愈不浮爲未愈俱言邪在于經故有還表向汗之時。若既入府則無外出之路。惟有通其大便令邪從內出也。此大小承氣調胃承氣所由設也。然則以白虎湯治肺病何謂也。夫以白虎治府病者乃三陽之邪初入胃府表裏皆熱邪未結聚熱勢散漫而無胃實不大便之症故以白虎湯內清胃府外透肌膚令表裏兩解。若邪已結聚如太陰之大實痛少陰之咽乾口燥下利青黃水心下硬厥陰之煩滿囊縮白虎不中與也。亦惟下之而已矣。此無他經府既明則施治不致差舛。然則太陽之邪自入本府何謂也。太陽之府旁光是也。旁光主盛溺。太陽病甚則遺邪于府而爲口渴溺赤之症外顯

太陽病而兼有此症者名曰太陽傳本。常用五苓散以桂枝解外邪。以猪苓澤瀉等藥通其小便而愈也。或問陽邪入陰復有還表向汗之時其信然乎。予曰古人之言豈欺我哉。大經逕也。猶路徑然。三陽之邪既有路以達三陰。三陰之邪即有路以返三陽。此循環之至理。非若邪入府中更無外出之路也。嘗見病人體質素厚有傳經盡而自愈者。皆由汗解也。傷寒論云其不再傳經不加異氣者。七日太陽病衰。頭痛稍愈。八日陽明病衰。身熱稍歇。九日少陽病衰。耳聾微聞。十日太陰病衰。腹減思食。十一日少陰病衰。渴止舌乾已而嘔也。十二日厥陰病衰。囊縱小腹微下。大氣皆去。病人精神爽慧也。由是觀之豈非經盡而

愈還表向汗之明驗乎。或曰：陰不得有汗。今太陰脈浮，用桂枝湯。然則三陰亦可汗解與？桂枝湯將爲太陰正藥與？余曰：不然。讀仲景書，舉一隅當以三隅反，不可執一而論也。夫邪已入裏而復發其表，是增其熱矣。故曰：陰不得有汗。邪雖入裏而復返乎表，是邪外出矣。故曰：還陽而向汗。夫桂枝湯，太陽傷風藥也。今太陰用桂枝者，實由太陽傷風爲醫誤下而傳入太陰者也。太陰脈當沉，今反浮，是症在太陰。脈在太陽也。太陽之熱未盡入于陰，太陰之邪大有還陽向汗之勢。故用桂枝湯以微散之。令其從太陽來者仍自太陽出也。推而論之，若從太陽傷寒來得傷寒脈，則桂枝可易麻黃。仲景麻黃石膏湯之意可推也。若

從陽明來。得陽明脈。則桂枝可易葛根。仲景葛根黃連黃芩湯之意。可推也。若從少陽來。得少陽脈。則桂枝可易柴胡。是以大柴胡湯爲少陽傳入太陰之方也。然必腹中實痛。乃爲脾邪干胃。甫用大黃下之。否則只于本方加芍藥以和之而已。傷寒論云。本太陽症。爲醫誤下。傳入太陰而腹痛者。桂枝加芍藥湯。大實痛者。桂枝湯加大黃。亦此意也。大陰如此。少陰厥陰。何獨不然。仲景少陰篇內。以四逆散治陽厥。方用柴胡黃芩甘草枳實者。人皆不得其解。豈少陰亦用柴胡散之與。誠以熱邪傳裏。遊行于少陰經絡之間。尚未結聚成實。內陷于胃府之中。則用黃芩甘草以清傳經之熱。邪用枳實以導胃中之宿滯。使邪氣

不得乘機而內合。以作胃實不大便之症。更用柴胡疏通三陽之路。俾其從此來者。仍從此出。不必擾動中宮。而病勢已解。此仲景用藥之微權。而其用心亦良苦矣。愚不自揣。每遇陽邪入陰。尚未結實之症。倣古人三黃解毒之意。而加以石膏柴胡丹皮之屬。往往獲效。蓋三黃以除三陰之熱邪。用石膏以守陽明之中路。加柴胡者。亦望其返之古道。而還陽向汗也。大抵傷寒治法。急于解表而緩于攻裏。非惟三陽之邪。務從表散。卽三陰未結之邪。猶且徘徊觀望。與其還陽而之表。必俟邪氣結實。乃用承氣湯攻下之。且戒曰。欲行大承氣。先與小承氣。腹中轉失氣者。方與大承氣湯。若不轉失氣。慎未可再攻。兢兢然不苟下。

醫學心悟 卷之一
也有如此。仲景又云。病發于陽。而反下之。熱入。因作結胸。病發于陰。而下之。因作痞。熱入者。言入胃也。三陰下早。雖不至成結胸。而已不免爲痞氣矣。噫嘻。經府之間。烏可以不辨哉。

陰症有三說

世人論傷寒。輒曰陰症。而不知有三說也。有傳經之陰症。陰中之熱症也。有直中之陰症。陰中之寒症也。有房寒之陰症。陰中之虛症也。既犯房室而得熱症。則灼熱極甚。犯房室而得寒症。則陰寒極甚。熱之甚。清劑宜輕。寒之甚。溫劑宜重。斯無弊耳。乃世人混稱夾陰。而醫者漫不加察。反從而和之。噫。陋矣。

論疫

時疫之症。來路兩條。去路三條。治法五條。盡矣。何謂來路兩條。疫有在天者。有在人者。如春應溫而反寒。夏應熱而反涼。秋應涼而反熱。冬應寒而反溫。非其時而有其氣。自人受之。皆從經絡而入。或爲頭痛發熱咳嗽。或爲頸腫發頤大頭。天行之類。斯在天之疫也。若夫一人之病。染及一室。一室之病。染及一鄉。一鄉之病。染及合邑。此乃病氣穢氣相傳染。其氣息俱從口鼻中入。其見症憎寒壯熱。胸膈滿悶。口吐黃涎。乃在人之疫。以氣相感。與天無涉。所謂來路兩條者。此也。夫在天之疫。從經絡而入。宜分寒熱。用辛溫辛涼之藥。以散邪。如香蘇散。普濟消毒之類。俾其邪從經絡入者。仍從經絡出。也在人之疫。從口鼻而入。宜

用芳香之藥以解穢如神朮散。藿香正氣散之類。俾其從口鼻入者。仍從口鼻出也。至于經絡口鼻所受之邪。傳入藏府。漸至潮熱。譫語。腹滿脹痛。是爲毒氣歸內。非疏通腸胃。無由以解其毒。法當下之。其大便自行者。則清之下。後而餘熱不盡者。亦清之。須令藏府之邪從大便出也。所謂去路三條者。此也。夫發散解穢。清中攻下。共四法耳。而謂治法有五。何也。大抵邪之所湊。其氣必虛。體虛受邪。必須以補法駕馭。其間始能收效。萬全如氣虛補氣。血虛補血。古人所用參蘇飲。人參白虎湯。人參拔毒散。黃龍湯。四順清涼飲。方內有人參當歸。其意可想而知矣。于前四法中。加以補法。乃能左右咸宜。縱橫如意。邪氣退而元氣

安所謂治法五條者此也。熟此五法而融會貫通其于治疫也。何難之有。

六氣相雜須辨論

世間之病人皆曰傷寒最難而非難也。難莫難于六氣之相雜而互至耳。六氣者風寒暑濕燥火是也。然冬月致病只三字風寒火是也。春兼四字風寒濕火是也。夏兼五字風寒暑濕火是也。秋只四字風寒燥火是也。其有風時之燥濕則又天之變氣也。大抵氣愈雜則其治愈難。吾姑卽夏間之五氣而明辨之。五氣旣明則其少者不煩言而已解。假如脈浮緩自汗頭痛發熱而惡風者傷風也。脈浮緊無汗頭痛發熱而惡寒者傷寒也。此

隨時感冒。雖在暑月。亦必有之。亦有納涼飲冷。臟受寒侵。遂至嘔吐痛瀉。脈沉遲。手足厥冷。口鼻氣冷。此乃夏月中寒之候。反因避暑太過而得之也。至于暑症。乃夏月之正症。然有傷暑中暑。閉暑之殊。傷暑者。病之輕者也。其症汗出身熱。而口渴也。中暑者。病之重者也。其症汗大泄。昏悶不醒。蒸熱齒燥。或煩心喘喝。妄言也。閉暑者。內伏暑氣。而外爲風寒閉之也。其頭痛身痛者。風寒也。發熱惡寒。口渴煩心者。暑也。其有霍亂吐瀉而轉筋者。則又因暑而停食伏飲。以致之也。然停食伏飲濕者。濕也。身重體痛。腹滿脹悶泄利無度。皆濕也。風寒暑濕。四氣動而火隨之。是爲五氣。所謂夏兼五字者。以此。然而各字分見。其爲治也。

易。五。字。互。見。其。爲。治。也。難。假。如。風。暑。相。搏。名。曰。暑。風。其。症。多。發。搐。搦。暑。濕。相。搏。名。曰。濕。溫。其。症。頭。痛。自。汗。譫。語。身。重。腹。滿。足。脛。寒。風。熱。相。搏。名。曰。風。溫。其。症。自。汗。身。重。多。眠。鼻。息。鼾。語。言。難。出。濕。氣。兼。風。名。曰。風。濕。濕。氣。兼。寒。名。曰。寒。濕。其。症。骨。節。煩。疼。不。能。自。轉。側。復。有。風。寒。挾。濕。發。爲。剛。柔。二。痿。其。症。口。噤。身。反。張。更。有。濕。熱。相。攻。發。爲。五。癰。其。症。四。肢。痿。癱。不。能。自。收。持。此。皆。五。氣。自。兼。而。互。者。見。也。又。況。冬。月。傷。寒。伏。藏。于。筋。骨。之。間。至。夏。感。熱。氣。而。發。者。名。曰。熱。病。天。行。不。正。之。氣。發。作。非。時。者。名。曰。疫。氣。更。有。病。氣。相。傳。染。沿。門。合。境。皆。病。者。斯。爲。在。人。之。疫。爲。害。尤。多。夫。此。熱。病。疫。病。傳。之。藏。府。大。便。不。通。則。燥。氣。隨。之。是。五。氣。之。中。復。兼。

六氣。尤更有體虛勞倦。注夏等病。紛紜交錯于其間。若不明辨。親切。孟浪投劑。傷生匪淺。奈何醫者。一見發熱。不問是暑是熱。槩行表散。散之不效。隨用解和。解之不去。隨用清涼。涼之不效。繼以補益。其中有幸不幸。則引爲已功。而傾危乍至。則委之天數。豈知致病之初。認症投藥。取效甚易。及其日久病深。敗症悉具。雖有善者。亦莫如之何也。已予不自揣。特著此論。先指夏間五氣。而發明之。庶紛紜錯雜之症。不至混淆。則觸目洞然。施治如法。亦救世之一端耳。嗟乎。五氣已明。多者已辨。則三氣四氣之雜至者。不難辨矣。況傷寒一症。表裏可分。傳中可別。上中下三焦可憑。而又何難乎。我故曰。傷寒非難。而難于六氣之相雜。

而互至也。

論中風

中風之症。有中府。中藏。中血脈之殊。中府者。中在表也。卽仲景所謂太陽中風。桂枝湯之類是也。外見六經之形症。卽如傷寒三陰三陽傳變之症也。其見症旣與傷寒同。則其治法亦與傷寒傳變無異矣。中藏者。中在裏也。如不語中心。脣緩中脾。鼻塞中肺。目瞤中肝。耳聾中腎。此乃風邪直入于裏。而有閉與脫之分焉。閉者。牙關緊急。兩手握固。藥宜疏通開竅。熱閉牛黃丸。冷閉橘半姜汁湯。其熱閉極甚。胸滿便結者。或用三化湯以攻之。脫者。口張心絕。眼合肝絕。手撒脾絕。聲如鼾肺絕。遺尿腎絕。更

有髮直搖頭上擡面赤如粧汗出如珠皆爲脫絕之症此際須用理中湯加參兩餘以溫補元氣若寒痰阻塞或用三生飲加人參以灌之庶救十中之二三中血脈者中在半表半裏也如口眼喎斜半身不遂之屬是也藥宜和解用大秦芎湯加竹瀝姜汁勾藤主之而有氣與血之分氣虛者偏于右佐以四君子湯血虛者偏在左信用四物湯氣血俱虛者左右併病佐以八珍湯此治中風之大法也

中風寒熱辨

或謂寒邪中藏一于寒也風邪中藏而有寒有熱何也愚謂寒陰邪也陰主靜故其中人特爲寒中而已矣風陽邪也陽主動

善行而數變。故其中人。或爲寒中。或爲熱中。初無定體也。然其所以無定體者。亦因乎人之藏府爲轉移耳。何者。其人藏府素有鬱熱。則風乘火勢。火借風威。熱氣拂鬱。不得宣通。而風爲熱風矣。其人藏府本屬虛寒。則風水相遭。寒氣冷冽。水凍冰凝。真陽衰敗。而風爲寒風矣。爲熱風多見閉症。理宜疎導爲先。爲寒風多見脫症。理宜溫補爲急。夫同一中藏。而寒熱之別。相隔千里。其中所以爲熱爲寒之故。舉世皆不求解。則三化湯之寒。三生飲之熱。何以同出于書。而屹然並立。是以醫道貴精思審處。而自得之。有非語言所能盡也。

中風不辨語

或問不語。有心脾腎三經之異。又風寒客于會厭。亦令不語。何以辨之。愚謂心者君主之官。神明出焉。若心經不語。必昏冒全不知人。或兼直視搖頭等症。蓋心不受邪。則殆于邪。此敗症也。若包絡邪侵。則時昏時醒。或時自喜笑。若脾經不語。則人事明白。或唇緩口角流涎。語言蹇澀。若語言不語。則腰足痿痺。或耳聾遺尿。以此爲辨。至若風寒客于會厭。不過喊風聲啞之屬。口能收。舌能轉。樞机皆利。但不發音耳。可用辛散而安。

中風類中辨症法

中風者。直中風也。類中風者。似中風而非中風也。然直中有兼類中者。類中有兼直中者。臨症最難分別。不可無法以處之。大

法中風之症。有中府中藏中血脈之分。前論已詳言矣。類中之
與真中。最宜分別。不可不審。真中風者。中于太陽。則與傷寒外
感傳經相符。若中血脈。必有偏枯。喎斜之症。中藏雖爲在裏。亦
必兼有經絡偏枯之症。若類中者。寒則厥冷。嘔瀉而暴痛也。暑
則赤口中行而卒倒也。濕則痰涎壅盛而閉塞也。火則面赤煩
渴唇燥而便閉也。食則因于過飽而胸脹滿悶也。氣則因于盛
怒而閉塞無音也。惡則因登塚入廟。冷屋栖遲而卒然頭面青
黯也。虛則面色眊白。鼻息輕微也。見症各殊。與真中之偏枯喎
斜。自是不同。其間或有相同者。乃真中類中相兼也。症既相兼。
必須一一辨明。察其多寡兼並之處。辨其標本緩急之情。審度

得宜。用古人經驗良方。隨手而起矣。

雜症主治四字論

雜症主治四字者。氣。血。痰。鬱也。丹溪治法。氣用四君子湯。血用四物湯。痰用二陳湯。鬱用越鞠丸。參差互用。各盡其妙。薛立齋從而廣之。氣用補中而參以八味。益氣之源也。血用四物而參以六味。壯水之主也。痰用二陳而兼以六君。補脾土以勝濕。治痰之本也。鬱用越鞠而兼以逍遙。所謂以一方治本鬱。而諸鬱皆解也。用藥之妙。愈見精微。以愚論之。氣虛者宜四君輩。而氣實者則香蘇平胃之類可用也。血虛者宜四物輩。而血實者則手拈失笑之類可用也。尋常之痰可用二陳輩。而頑痰膠固致

生怪症者。自非滾痰丸之類。不濟也。些小之變。可用越鞠逍遙
草。而五鬱相混。以致腹膨腫滿。二便不通者。自非神祐承氣之
類。弗濟也。大抵尋常治法。取其平善。病勢堅強。必須峻劑。以攻
之。若一味退縮。則病不除。而不察脈氣。不識情形。浪施攻擊。爲
害尤烈。務在平時。將此氣血痰鬱四字。反覆討論。曲盡其情。辨
明虛實寒熱輕重緩急。一毫不爽。則臨症灼然。而于治療雜症
之法。思過半矣。

入門看症訣

凡看症之法。先辨內傷外感。次辨表裏。得其大概。然後切脈問
症。與我心中符合。斯用藥無有不效。口鼻之氣。可以察內傷外

感身體動靜可以觀表裏。口鼻者氣之門戶也。外感則爲邪氣有餘。邪有餘則口鼻之氣粗。疾出疾入。內傷則爲正氣虛弱。正氣虛則口鼻之氣微。徐出徐入。此決內外之大法也。動靜者表裏之分也。凡發熱靜而默默者。此邪在表也。若動而躁及詁語者。此邪在裏也。而裏症之中復有陰陽之分。凡病人臥須看其向裏向外。睡仰睡覆。睡伸脚踏。脚睡向裏睡陰也。向外背陽也。仰者多熱。覆者多寒。伸脚者爲熱。蹠脚者爲寒。又觀其能受衣被與否。其人衣被全覆。手脚不露。身必惡寒。既惡寒非表症。卽直中矣。若喝去衣被。揚手露脚。身必惡熱。既惡熱邪必入府矣。此以身體動靜並占其寒熱也。然又有陽極似陰。其人衣被全

覆昏昏而睡。復有陰極似陽。假渴煩躁欲坐臥泥水中。此乃真熱假寒。真寒假熱之象。尤不可以不辨。

色

內經曰。脈以應月。色以應日。色者。視之易見者也。如傷風關庭必光澤。傷寒關庭必暗晦。面青黑爲寒。爲直中陰症。紫赤爲熱。爲傳經裏症。若已發汗後面赤色盛。此表邪出不徹也。當重表之。又陰盛隔陽。合面赤色。是爲戴陽之候。宜急溫之。以通陽氣。大抵黑色見者多凶。爲病最重。黃色見者多吉。病雖重可治。經云。面黃目青。面黃目赤。面黃目白。面黃目黑者。皆吉。蓋黃屬土。今惡症雖見。土猶未絕。故可救。若面青目赤。面赤目白。面青目

黑面黑目。白面赤目。青皆難治也。言無土色。則胃氣已絕。凡天
庭印堂年壽等處。黑色枯槁者。凶。黃色明潤者。吉。然人有五色。
不能齊等。經云。五色者。氣之華也。赤欲如白。纁朱不欲如赭。
青欲如鵝羽。不欲如藍。青欲如蒼璧之澤。不欲如藍。黃欲如羅
纁。雄黃不欲如黃土。黑欲如重漆色。不欲如地蒼。五色之欲者。皆
取其潤澤。五色之不欲者。皆惡其枯槁也。經又云。五色精微象
見矣。其壽不久也。言五色不宜于枯槁。若五色之精華盡發。越
于外而中無所蓄。亦非宜也。大抵之中。須以明潤爲主。而又于
明潤之中。須有蘊蓄。若一概發華之外。亦凶兆也。察色之妙。不
是過矣。

鼻

經曰、五色決于明堂。明堂者。鼻也。故鼻頭色青者。腹中痛。微黑者。有痰飲。黃色者。爲濕熱。白色者。爲氣虛。赤色者。爲肺熱。明亮者。爲無病也。若傷寒。鼻孔乾燥者。乃邪熱在陽明。肌肉之中。久之。必將衄血也。病人欲嚏而不能者。寒也。鼻塞濁涕者。風熱也。鼻息鼾睡者。風溫也。鼻孔乾燥。黑如烟煤者。陽毒熱深也。鼻孔出冷氣。滑而黑者。陰毒冷極也。凡病中鼻黑如煤。乃大凶之兆。若鼻孔煽張。爲肺氣將絕之症也。凡產婦鼻氣黑氣出。或鼻衄者。爲胃敗脾絕之危候。古方用二味參蘇飲。加附子以救之多有得生者。

唇口

唇者肌肉之本。脾之華也。故視其唇之色澤。可以知病之深淺。乾而焦者。爲邪在肌肉。焦而紅者。吉。焦而黑者。凶。唇口俱赤。腫者。肌肉熱甚也。唇口俱青黑者。冷極也。口苦者。胆熱也。口甜者。脾熱也。口燥咽乾者。腎熱也。口噤難言者。或爲瘰。爲痰厥。爲中寒。不相等也。又狐惑症。上唇有瘡。爲狐。蟲食其藏。下唇有瘡。爲惑。蟲食其肛也。若病中見唇舌捲。唇吻反青。環口黧黑。口張氣直。或如魚口。或氣出不反。或口唇顫搖不止。皆難治也。

耳

耳者腎之竅。察耳之枯潤。知腎之強弱。故耳輪紅潤者。生。枯槁

者難治。薄而白。薄而黑。薄而青。或焦如炭色者。皆爲腎敗。若耳聾及耳中痛。皆屬少陽。此邪在半表半裏。當和解之。若耳聾舌卷唇青。此屬厥陰。爲最重也。

目

目者五藏精華之所注。能照物者。腎水之精也。熱則昏暗。水足則明察秋毫。如常而瞭然。邪未傳裏也。若赤若黃。則邪已入裏矣。若昏暗不明。乃邪熱在內。消灼腎水。腎水枯竭。故目不能明。照急用大承湯下之。蓋寒則目清。未有寒甚而目不見物者。池凡開目欲見人者。陽症也。閉目不欲見人者。陰症也。目瞑者。將衄血也。目睛黃者。將發黃也。至于目反上視。橫目斜視。瞪目直

視及眼胞忽然陷下者。爲五藏已絕之症也。凡雜病忽然双目不明者。此氣脫也。經云。氣脫者目不明。此氣虛也。丹溪用大參膏主之。經又云。脫陰者目昏。此血脫也。邪熱則下之。血虛則補之。以救腎水也。然此症已爲危險之候。

舌

舌者心之竅。凡傷寒症。津液如常。此邪在表而未傳裏也。見白胎而滑邪在少陽。半表半裏之間也。見黃胎而乾燥邪已入裏。胃府熱甚也。宜下之。見黑胎芒刺破裂乾枯邪熱盛極。腎水枯涸至重之候也。宜急下之。若舌黑津潤不破裂乾燥此直中寒症也。宜急溫之。夫寒症舌黑本色也。而熱症反赤爲黃。反黃爲

黑者何也。蓋熱極反兼水化。若燔柴然。火變成灰。至危之候也。凡舌腫脹。或重舌。木舌。舌生芒刺。舌胎黃燥。皆熱甚也。凡舌顫。舌強。舌短縮。舌卷。神氣昏亂。語言不清者。皆危症也。又含湯。易病。吐舌數寸者。危惡已甚也。

身

大抵病人身輕。自能轉側者爲輕。若身體沉重。不能轉側者爲重。然中濕風濕感寒。皆主身重疼痛。須以兼症辨之。若陰症身重。必厥冷而蹠臥。無熱惡寒。閉目不欲向明。懶見人也。又陰毒身重。如被杖。身重如山。而不能轉側也。大抵熱則流通。身輕無痛。寒則凝塞。故身重而痛也。若手足抽搐。角弓反張者。瘥也。若

頭重視身。此天柱骨倒而元氣敗也。若頭搖而不止。髮直如絛。頭上攢皆絕症也。凡病中循衣摸床。兩手撮空。此神去而魂亂也。凡病人皮膚潤澤者生。枯槁者危。若大肉盡脫。九候雖調。猶難治也。

胸

凡看傷寒。欲知邪之傳與不傳。先看目舌。次問病人胸膈痛脹否。若不痛滿。知邪氣在表。若脹滿未經下者。卽半表半裏症也。已下過而痛甚者。恐成結胸也。故胸者可以知邪之傳與不傳也。

腹

腹者。至陰也。乃裏症之中。可以辨邪之實與不實也。既問胸。前
明白。次則以手按其腹。若未痛脹者。知邪未曾入裏。入裏必脹
痛。若邪在表。及半表半裏。腹焉得痛脹乎。若腹脹不減。及裏痛
不止。此裏症之實。方可攻之。若腹脹時減。痛則綿綿。此裏症猶
未實也。但可清之。故腹者。可以知邪之實與不實也。若直中腹
痛。則不由陽經傳來。此爲冷氣在內。脈必沉遲。急當溫之。

小腹

小腹者。陰中之陰。裏症之裏。可以邪之知必結實也。既問胸腹。
後以手按其小腹。蓋小腹藏糟粕之處。邪至此。必結實。若小腹
未硬痛者。知非裏實也。若邪已入裏。小腹必硬痛。硬痛而小便

自利大便黑色。畜血症也。宜桃仁承氣攻之。若小腹繞臍硬痛。小便數而短者。燥糞症也。當以大承氣攻之。若小腹脹滿。大便如常。恐屬溺滯而不通。宜利其小便。凡看病。先觀形色。次及耳目口鼻唇舌身體。次問胸腹及小腹。則病症病情了然矣。